



内閣文庫		
番號	漢	5543
冊數	16 ( 1 )	
函號	319	17

319-17

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

Kodak, 2007 TM. Kodak





古詩類苑序

章文庫



原夫聲詩所興烝民伊始考  
諸七經則義併于賡載參之  
記則款傳于斲竹降及漢  
條流彌綵爰洎六朝曷  
其間升降盛衰妍媸巧



拙雖黃月旦非常一家蒼家  
菁英有踰則百綜之殊途競  
騫而歸路可言沿流者謂椎  
輪其未工窮源者忽層冰之  
已凜甚乃雙輪假道而萬軌  
齋駟一口唱于而千鳴合喙

百代從違如斯者衆矣今夫  
方舟于沮澤結駕于平陸即  
曠遠緬邈之觀耳目所之居  
然已泰嘗試與之駮驥駟而  
帆舫舸劉覽乎莽寬之野浮  
游乎溟渤之區然後知天地之



高溪寓縣之遠廊曩之所矜  
曾何足論文章之道曷其異  
此僕早歲受業困頓公車解組  
歸來遂是初服席門窮巷全  
無二頃之田左右圖史差多百  
城之樂爰欲搜輯衆家財成

五總則有鄉先達玄超先生  
才為國華學成文府流略兼  
包三餘靡暇積有歲時殺青  
充棟開篋啓械出用相示自史  
傳以還逮于文章詞賦稗官小  
說靡不彙緝成書別裁義例



手自編摩殆餘千卷其古詩  
自漢魏而下迄於陳隋旁採  
古逸博叅羣志比類相從都  
為一集凡若干卷受而讀之  
洋洋乎灑灑乎真篇章之泰  
岱金玉之淵海昔有唐執文略

撫章句宋代英華挂漏不鮮  
未有兼條總貫明備若斯者  
也誠令該攬茲文憲章其義  
譬遊春山之下抵鵲乃以瓊琳  
涉鄧林之旁烘堪猶其梗梓  
乃始衷古程今鎔裁鑄檢可使



古言類序  
四  
盈尺之寶荆璞未珍合抱之材  
秦隴非瓌者矣又况乎積燕石  
以自貴資輪困而先容者哉僕  
不任研削而獲觀璋璠庶因便祈  
借僣功繕寫載為讐對仍從埤  
補梨棗未遑歲諸家孰賞奇

析義時在座右則有縉紳先生  
文學之倫同聲咨難謂其囊括  
致博而區分已甚未足下上時代  
澄鏡流品僕嗟此論未為允當何  
者自西京著略以迄於今類別畛  
分其書寔繇有資博物無傷大



古言類考 五  
雅若使披條索實溯流操飲則  
斯文為用寔乃寒歲之繒纊貧  
年之梁穀也功微志寡孰云匪  
是如今周環學海翱翔書園本  
諸世代寃其原流參之此文齋  
厥倫類譬彼耕耘寄橫從而趣

易同夫織紵資經緯以成章其為  
裨益斯弘多矣必若以臚分為  
未當謂綜統其得理是令詩書  
體列西河廢爾雅之篇春秋表  
年龍門無紀傳之作斯豈亮士  
之宏致通人之達旨哉別有唐詩



類苑若干卷體例並同并用自副後有博雅以公同好若在剞劂盡念前勞必毋使論衡茂製獨藉中郎之譚行路名篇載搆東陽之訟是為敘

吳淞俞顯卿撰



吳淞俞顯卿

古詩類苑敘

詩之有類苑也自吾鄉先輩張玄超始也玄超性恬澹寡營而獨嗜書若東西京史鹽鐵論諸書靡所不品隲而尤沉酣於有韻之文網羅歷代自黃虞迄於六朝列為古詩類苑自唐武德迄於天祐列為



唐詩類苑編蒲織柳幾於罾也錄  
牛毛綺縠甚設矣而家存公莫不能  
殺青擊而授余社友比部俞子如  
子如亦雅有書癖業已繕寫雙管  
一旦捐賓客而不能卒業筭而歲  
者十餘載歲庚子唐詩類苑始  
刻於吳門曹氏家而壬寅歲子如

弟顯謨惜裴美之未合悲先志之  
莫矣竟亦偕其壻王君頰陳君甲  
對發刻古詩類苑於海上夫是兩  
書也玄超集其成而厄於空囊子  
如將廣其傳而抑於短晷今寓內  
驛人墨卿日喁如磬間枕中之秘  
爭以不得觀為恨而神劍出匣經



當復合豈非子古一大快與第余  
讀之竊有懼焉余私心謂經史子  
集皆可於獨易占詩不可類蓋易  
主乎變陰陽互禘祥倚隱顯鉅細  
雜其取象也貞可以神解不可以  
彰求次則三百篇匿言於此托象  
於彼似美又似規似揚厲又似刺諫

謂其彰蟻螻也可謂其彰龍象  
也亦可大都變化圓轉苟而難為  
封畛與易彰宣尼刪詩止定風雅  
頌三體又取五風變雅魯頌犁出  
其間謂王而頹然不足比強藩元  
侯則雅不得與雅彰退而列於風  
侯而郊廟神樂儼然王也則風不



得与風歌進与列於頌一以弱周一以  
衰周公并以勸天下萬世之為王  
為侯其務錯与綜之以盡其變如  
此至其平生所沾之喜與言詩者  
亦新、商賜二子政謂商賜二子能  
於咫尺間噓氣成雲候与淵沉候而  
天游不以類為拘也晦庵朱先生稍

拘於鄭辨淫一語凡鄭衛諸篇什  
強半列為男女淫艷之聲如靜女晦  
庵以為淫而小序以為刺書是將与蔡  
中樸上類乎抑與南山正月類乎如  
青、子衿晦菴以為淫而小序又以為  
刺學校不能養士是將與蔓草溱  
洧類乎抑与權輿瓠葉歌乎鷄鳴



風雨絕類蕙葭白露之思而褰裳貽  
佩安見其不當與干旌白駒之類為  
伍凡解經者稍着意見臚列便不  
免附會牽合而詔乃搆余故曰易與  
詩不可類詩即類第可以世類以地  
類以人類而不可以類、可以類、收其  
紛紛而不可以類、掩其靈怪昔人謂

唐詩多賦少比興其詩猶局於制  
無甚杳眇不可控揣古詩寧論太  
上天籟即漢魏尺幅尚沿三百篇  
遺響者如蘓李嵇阮諸賢含情寄  
興遠調淒歎冥、乎殊不可施繒弋  
而奈何玄超之以更漏自若也玄超蓋  
雄心人吞雲夢不顧八九而止直欲窮



天罄地盡獵而置之凡席間以為快  
而銖積寸累虞其掛漏故門分而戶  
別之我疆我理豈不井々乎甚辨也  
哉而东西南北自在任其所揚鑣而  
取道焉如醫師藥籠中物若辛若甘  
若寒若熱自水碧金膏以至牛溲馬  
淳種々備具及其臨時調劑或辛而代



甘者之用或寒而濟熱者之所不足  
參和之妙則又存乎其人是則玄超  
之喜也夫玄超以其類而不類者俟諸  
後人脫後人不能以其不類而類者求  
玄超并魚夏蟲產南則不復夢車產  
北則不復夢舟方且硜然奉為不移  
之局至於借翰丹彩給事紫薇喜其



搜索省而采掇便則又從而剽掠其中囊携度置果然遂視為不涸之倉無乃冰玄起意與余猶及侍玄起杖屨間嘗謂余曰行不戢常文不戢變易方為圓非變也即方為圓乃變之變也丈夫攬三寸柔管王長其間不能出有入無令九天為九地安所極才

人之致玄起蓋深得夫易與詩之解而此特其濟世之豨膏棘軸云爾讀者尚另具慧眼毋自為方穿以傷長者意則厚幸矣

海上黃體仁長卿甫謨





古詩類苑凡例

- 一是編首自上古下迄陳隋一枝片玉搜括無遺有唐一代之作別為類苑茲不重錄
- 一是編以類為主不以時世為次倘欲獨考一家之制作或徧觀歷代之升降則有諸家文集及馮氏詩紀具在參互考求政不相方耳
- 一詩紀不錄兩京以後箴銘頌贊殆恐立例不純是編主于分類則以詳贍為宗且騷苑賦林別有彙集未遑剗剔以為後圖箴銘諸作卷帙既寡不能種種條別故各以類附入不令網羅之外稍有漏



佚焉

一樂府乃一代之典章其作之有宮徵肆之有條貫不容分析破碎今悉依部茂倩舊次彙為一部以便覽觀

一部分畧依唐以來各類書編次微加詳悉一類之中又各以本題旁出為次則不暇詳列也

一藝文類聚初學記所載詩多係採摘吉光片羽不欲棄置一二並存

一道家歌詩出列仙傳真誥等書及仙詩鬼詩小說所載詩雖多擬托大都六朝人語也今悉類入他

如道經所載黃庭二景太上玉清真文之類不能備錄至如易林叅同契並古詩之流也以其義成一家且各有成書亦不及焉

一詩數見而句字不同取其義稍長者為正文餘分注其下曰一作某或某書作某

一隋唐間人唐詩既收之今不重錄如虞世南止取其在隋世應制之作數首不全載

是書經始於張先生玄超補訂於先兄子如校正於長輿諸君而董其成於不佞攬撫研校頗費歲時惟是先伯子酷嗜書收藏之外手所繕錄者盈箱累篋



古詩類苑 凡例  
矣數年以來殊恨散亡是編為表弟子先祈借幸以  
不失謨恐私之家塾非二君子嘉惠懃懃之意近賴  
社中同調各為損貲得度諸木以公四方第寡陋謏  
劣闕疑仍舊魯魚帝虎之謬量不能免敢告博雅無  
妨駁政令得竄易焉

海上後學俞顯謨識

古詩類苑姓氏

五帝

黃帝

少昊母皇娥

白帝子

有焱氏

唐虞

帝堯

帝舜

臯陶

被衣

許由

夏

禹

關龍逢

商



言類考 女月

湯 伯夷 微子

箕子

周

太王 季歷 文王

武王 成王 穆王

周公 尹伯奇 祭公謀父

孔子 原壤 祝雍

春秋戰國

齊景公 秦始皇 趙武靈王

越王 晉穆子

曾子 孟子 子桑戶

黃伯仁 魯人鷺 伯牙

莊周 列禦寇 管仲

晏嬰 田單 淳于髡

魯仲連 馮驩 甯戚

狐援 泯宣 師曠

優施 舟之僑 介子推

士蔦 譚良夫 息鄒

屠門高 李冰 呂不韋

接輿 申包胥 商梁



卞和

優孟

扈子

荀卿

大夫種

華元

荆軻

聲伯

韓非

蘇秦

楊朱

墨翟

楚漁父

越王夫人

柳下惠妻

魯次室女

陶嬰女

伯姬保母

杞梁妻

衛侯女

百里奚妻

琴女

韓憑妻何氏

女涓

漢

高帝

武帝

昭帝

靈帝

東平憲王蒼

趙幽王友

淮南王安

燕刺王旦

廣陵厲王胥

廣川王去

弘農王辯

朱虛侯章

項羽

四皓

韋孟

東方朔

霍去病

司馬相如

蘇武

李陵

李延年

楊慎

韋玄成

息夫躬

馬援

梁鴻

班固

傅毅

崔駰

張衡



正言類考 女戶

李尤

朱穆

王逸

桓麟

高彪

蔡邕

趙壹

酈炎

仲長統

孔融

秦嘉

應亨

辛延年

宋子侯

王吉

王符

馮衍

賈誼

李膺

揚雄

傅幹

皇甫規

崔琦

楊戲

胡廣

崔瑗

王肅

蘇順

傅龍

卜胤

杜篤

鄒子樂

史游

史岑

士孫瑞

馮敬通

張超

高義

嚴遵

邊韶

劉向

譙周

戚夫人

華容夫人

唐山夫人

唐姬

趙飛燕

班婕妤

虞美人

王昭君

卓文君

蔡琰

徐淑

蘇伯玉妻

烏孫公主

秦羅敷

麗玉 霍里子高妻

魏

古詩類考 姓氏



曹操

文帝

明帝

王粲

陳琳

徐幹

劉楨

應瑒

應璩

應瑗

阮瑀

謬襲

繁欽

吳質

邯鄲淳

杜摯

毋丘儉

何晏

左延年

程曉

秦宓

嵇康

嵇喜

郭遐周

郭遐叔

阮得如

阮籍

管輅

韋誕

卞蘭

魏皇后

吳

孫皓

韋昭

薛瑩

張純

張儼

朱異

薛綜

晉

司馬懿

司馬攸

司馬彪

荀勗

張華

成公綏

傅玄

傅咸

裴秀

應貞

王濬

賈充



棗據

杜育

摯虞

劉伶

束皙

何劭

王濟

王浚

李密

皇甫謐

陸機

陸雲

潘岳

潘尼

左思

張翰

張載

張協

夏侯湛

王讚

孫楚

董京

石崇

曹嘉

曹攄

棗腆

歐陽建

嵇紹

嵇含

阮脩

閻丘冲

周處

郭泰機

辛曠

劉琨

盧湛

郭璞

楊方

王鑒

熊

梅陶

桓温

王處之

王獻之

謝尚

江道

庾闡

李充

李顥

袁宏

曹毗

許詢

習鑿齒

袁山松

顧愷之

劉恢

王羲之

謝安

謝萬

孫統

古詩類苑

姓氏



孫綽

孫嗣

郝曇

庾友

庾蘊

曹茂之

華茂

桓偉

袁嶠之

王玄之

王凝之

王徽之

王渙之

王肅之

王彬之

王蘊之

王豐之

魏滂

虞說

謝繹

徐豐之

曹華

陶淵明

桓玄

殷修文

謝混

吳隱之

宗炳

王嘉

王康琚

湛方生

蘇彥

陸冲

江偉

范廣泉

王齊之

卞裕

孔法生

張駿

馬岌

趙整

苻朗

裴景聲

江統

庾凱

庾亮

王廙

殷允

庾肅之

羊孚

卞敬之

牽秀

戴逵

殷仲堪

裴頡

温嶠

應碩

王珣

沈玩

王廞

正言類考

姓氏

六



王隱

王導

劉惔

王升之

萬震

支遁

惠遠

竺僧度

支曇

廬山諸沙彌

廬山諸道人

帛道猷

史宗麻衣道士

左貴嬪

綠珠

翔風

謝道韞

桃葉

謝芳姿

劉和妻王氏

傅克妻辛氏

陳新塗妻李氏

蘇若蘭

苕華

王凝之妻謝氏

宋

文帝

孝武帝

江夏王義恭

臨川王義慶

南平王鐸

汝南王

隨王誕

王韶之

何承天

顏延之

謝莊

謝靈運

謝瞻

謝惠連

鮑照

謝晦

謝世基

傅亮

鄭鮮之

范泰

范曄

何長瑜

荀雍

吳邁遠

孔甯子

袁淑

王微

王僧達



王素 顏峻 顏師伯

何偃 荀景 江智淵

湯惠休 孔欣 伍緝之

袁伯文 湛茂之 張望

蕭璟 徐護 王叔之

伏系之 許瑤 賀道慶

沈慶之 劉俟 王歆之

陸凱 漁父 鮑令暉

殷淡 虞穌 張暢

臧質 沈攸之 周祗

張悅 顏測 蔡鐵

齊

高帝 武帝 竟陵王子良

隋郡王子隆 王儉 王僧祐

徐孝嗣 王融 謝朓

劉繪 劉瑱 張融

孔稚珪 袁彖 丘巨源

陸慧曉 陸厥 虞炎

虞通之 顧歡 朱碩仙

朱子尚 卞伯玉 石道慧



言類考  
姓氏

鍾憲  
顧則心  
謝超宗

褚淵  
陶功曹  
朱孝廉

檀約  
江奐  
江孝嗣

王侍常  
王秀之  
柴廓

釋寶月

梁

武帝  
昭明太子  
簡文帝

元帝  
宣帝  
邵陵王綸

武陵王紀  
賀臨王正德  
南鄉侯推

上黃侯曄

蕭圓正  
沈約  
江淹

范雲  
丘遲  
任昉

王僧孺  
張率  
柳惲

庾肩吾  
吳均  
何遜

蕭子範  
蕭子顯  
蕭子雲

蕭子暉  
蕭鈞  
蕭琛

蕭巡  
蕭瑱  
王籍

王暕  
王訓  
王泰

王筠  
劉孝綽  
劉孝儀

劉孝勝  
劉孝威  
劉孝先



劉苞

劉孺

劉遵

劉邈

陶弘景

曹景宗

宗夫

傅昭

周捨

徐勉

徐悝

徐曄

徐防

徐摛

徐君倩

劉峻

劉霽

劉緩

劉瑗

劉顯

裴子野

陸倕

陸罩

荀濟

殷芸

何敬容

江從簡

劉之遴

虞羲

虞騫

江洪

江祿

伏挺

高爽

謝微

謝舉

何思澄

何子朗

沈旋

沈趨

費昶

到溉

劉溉

庾仲容

庾丹

鮑泉

鮑機

紀少瑜

褚翔

褚灃

張曠

陸山才

朱异

王偉

王臺卿

王罔

李鏡遠

朱超道

朱超

朱越



戴嵩

沈君攸

施榮泰

高允生

王循

房篆

裴憲伯

庾成師

車敦

姚翻

阮研

鮑子卿

王樞

湯僧濟

楊暉

吳孜

任豫

劉臻

鄧鏗

聞人蒨

顧煊

王脩已

王孝禮

謝瑱

范筠

甄固

王環

江伯瑤

劉泓

王湜

李孝勝

談士雲

劉愷

賀文標

張騫

蕭若靜

蕭欣

桓法闔

王錫

王規

殷鈞

張纘

鮑至

孔燾

孔翁歸

何寘南

周興嗣

沈繇

孫擢

江革

王延

朱記室

釋寶誌

釋智藏

釋惠令

惠慕道

僧正惠侶



包明月 王金珠 吳興妓童

徐悱妻劉氏 沈滿願 衛敬瑜妻王氏

范靜妻沈氏 劉臻妻氏 王淑英妻劉氏

陳

後主

陰鏗 徐陵 沈炯

孔奐 孔魚 周弘正

周弘讓 周弘直 陸瓊

陸瑜 陸玠 張正見

江總 徐孝克 顧野王

傅緯 褚玠 岑之敬

徐伯陽 蔡凝 蔡君知

阮卓 陳昭 陳暄

祖孫登 劉刪 謝燮

蕭詮 賀徹 賀循

李爽 蕭賁 何胥

孔範 王瑳 潘徽

韋鼎 徐德言 張君祖

庾僧淵 何處士 蘇子卿

陽縉 陽慎 賀力牧



百官類考 列傳

伏知道

毛處約

陸系

獨孤嗣宗

李燮

江暉

何楫

蕭淳

孔仲智

蕭有

徐湛

吳尚野

吳思玄

殷謀

賈馮吉

何曼才

許倪

蕭麟

蕭琳

陳叔達

釋惠標

曇瑗

釋洪偃

釋智愷

沈后

樂昌公主

陳少女

北魏

孝文帝

節閔帝

孝莊帝

彭城王勰

濟陰王暉業

中山王熙

韓延之

劉昶

蕭綜

高允

宗欽

段承根

胡叟

王肅

祖瑩

常景

鹿念

董紹

馮元興

陽固

盧元明

李騫

温子昇

高孝緯

王容

王德

周南



百官類考 妃后

祖叔辨 袁曜

胡太后 陳留長公主 王肅妻謝氏

北齊

邢邵 魏收 祖珽

裴讓之 裴訥之 蕭祗

蕭放 劉逖 馬元熙

盧詢祖 盧詢 高昂

鄭公超 楊訓 袁爽

荀仲舉 蕭愨 蕭穀

陽休之 顏之推 趙儒宗

陸印 陸法和

馮淑妃 盧士深妻崔氏

北周

明帝 趙王招 滕王道

蕭撝 宗 宗羈

宇文昶 康孟 徐謙

高琳 王褒 庾信

尚法師

隋

文帝 煬帝 越王侗



古詩類苑 姓

蕭岑

王通

姚察

李德林

楊素

牛弘

蔡允恭

袁慶隆

蕭琮

吳絳仙

何妥

賀若弼

史萬歲

盧思道

李孝貞

薛道衡

魏澹

辛德源

柳詒

許善心

崔仲方

于仲文

虞世基

虞茂

虞世南

虞綽

諸葛穎

孫萬壽

王脊

王胄

徐儀

庾自直

元行恭

尹式

劉斌

孔德紹

孔紹安

岑德潤

陳子良

陳良

庾抱

袁朗

崔信明

明餘慶

柳莊

杜公瞻

杜之松

王衡

薛德音

李密

李巨仁

弘執恭

王由禮

魯范

殷英童

胡師耽

陳政

周若水

薛昉

劉端



古詩類苑 女界

段君彥

李那

呂讓

沈君道

魯本

劉夢予

陸季覽

鄭蜀賓

王謨

凌敬

僧法宣

釋慧淨

釋智炫

釋曇遷

釋玄達

釋靈裕

釋智命

釋智才

曇延

沸大

釋慧輪

釋慧英

大義公主

丁六娘

李月素

羅愛愛

秦玉鸞

蘇蟬翼

侯夫人

張碧蘭

後魏大武帝

西涼武昭王

南齊王仲雍

外夷

白狼王唐菽

高麗定法師

乙支文德

匈奴

鮮卑

天竺鳩羅摩什

神仙

上皇玉帝君

甯封子

方回

長桑公子

乞食公

韓終

公孫卿

蘇耽

丁令威

馬明生

陰長生

葛仙公

古詩類苑

女界



古詩類苑 如氏

支道紀 吳猛 太極真人

方諸青童 扶桑神王 清虛真人

王子喬 裴玄仁 赤松子

石慶安 張誘世 許玉斧

丁瑋寧 辛亥子 西城真人王君

杜廣平 保命府丞 小有真人王君

馮真人 李仙君 張仙卿

洪先生 華陽童 王暉

敬玄子 郭四朝 扈謙

桓真人 武夷君 葛洪

焦先

西王母 法嬰 上元夫人

田四妃 張麗英 衛羅國王女配瑛

太真夫人 魏夫人 南岳夫人

萼綠華 九華安妃 紫微夫人

英王夫人 中候王夫人 昭靈李夫人

南極紫元夫人 太微玄清左夫人

方諸宮東華上房靈妃

鬼

郭長生 聶包 陵欣

古詩類苑 生



古詩類苑 女部

韋琳

吳王女

崔少府女

成公智瓊

劉妙容

杜蘭香

青溪小姑

廬山夫人女婉

古詩類苑 姓氏

古詩類苑目錄

卷之一

天部

天

日

月

星

河

卷之二

天部

風

雲

雷

雨

卷之三

天部

古詩類苑

目錄



古詩類列  
目錄

雪 晴 霧 露

霜 雹 火 烟

卷之四

歲時部

春 夏 秋 冬

卷之五

歲時部

曉 夜 熱 涼

寒 冰 四時

卷之六

歲時部

元旦 立春 人日 正月望

正月晦 三月三

卷之七

歲時部

五月五 立秋 七月七 九月九

冬至 蜡 歲除

卷之八

地部

郊 村 野 林

古詩類列

目錄

二



園圃苑

卷之九

地部

關 峽 石 道路

卷之十

地部

岸 田 陵 墓

灰 塵

卷之十一

山部

總山 泰山 華山 衡山

恒山 巫山 終南山 廬山

鍾山 方山 覆舟山 蒜山

定山 歷山 連圻山 荆山

八公山 石門山 石鼓山 弇山

卷之十二

山部

茅山 三山 譙山 蓮山

泉山 北固山 太平山 楚山

射山 射的山 大布山 九疑山



甌山 景陽山 白鳥山 金華山  
半石山 刻石山 陽虛山 敬亭山  
盤嶼山 羅浮山 綠嶂山 嶺門山  
石室山 峴山 汶阜山 包山  
三學山 石城山 東山 秀林山  
虎丘山 魯山 作樂山 黃蘗山  
太白山 馬支山 祁連山 綠蘿山  
博南山 燕然山 玉帳山 吹臺山  
美人山 至仁山 明月山 行雨山  
紇其山 峯 嶼 嶠

崖 石壁 岡 谷  
丘

卷之十三

水部

總水 海 江 河  
淮 漳 洛 涇  
渭 湘

卷之十四

水部

漢水 泗水 易水 隴頭水



湖 滄浪 修仁水 溪  
川 浦 澗 池

卷之十五

水部

桃源 津 潭 瀨

洲 渚 渠 波

濤 陂 磯 堤

堆 坂 峴 埭

泉 井 橋

卷之十六

京都部

州郡部

冀州 兖州 青州 徐州

揚州 荊州 豫州 益州

雍州 幽州 并州 交州

綿州 宣城 義陽 襄陽

豫章 江都

邊塞部

卷之十七

帝皇部



卷之十八

中宮部

儲宮部

卷之十九

明良部

卷之二十

職官部

丞相

司徒

侍中

太尉

司空

大理

太傅

尚書

太常

博士

宗正

太僕

衛尉

將作大匠

廷尉

大鴻臚

大司農

光祿勳

少府

執金吾

關都尉

侍御史

城門校尉

上林苑令

京兆

中護軍

邊將

司隸

典軍校尉

卷之二十一

職官部

太守

刺史

令尹

功曹

卷之二十二

治政部



善政 守法 化俗 貢獻

寵禮 徵召

卷之二十三

治政部

奉使 聘問 理訟 役怨

罷役 休沐 巡城 囚繫

法令

卷之二十四

禮部

郊丘 社 宗廟 釋奠

封禪

卷之二十五

禮部

祭祀 明堂 齋宮 靈臺

辟雍 侍耕 籍田 蠶

卷之二十六

禮部

巡幸 扈從 從駕 迎駕

宴享 侍宴

卷之二十七



禮部

朝會

省直

冠

笄

婚姻

卷之二十八

禮部

誄辭

卷之二十九

禮部

誄辭

卷之三十

禮部

誄辭

卷之三十一

禮部

誄辭

卷之三十二

禮部

挽歌

卷之三十三

樂部



漢郊廟歌辭

晉郊廟歌辭

卷之三十四

樂部

宋郊廟歌辭

齊郊廟歌辭

卷之三十五

樂部

梁郊廟歌辭

陳郊廟歌辭

北齊郊廟歌辭

卷之三十六

樂部

北周郊廟歌辭

隋郊廟歌辭

卷之三十七

樂部

晉燕射歌辭

宋燕射歌辭

卷之三十八

樂部

梁燕射歌辭

北齊燕射歌辭

北周燕射歌辭

隋燕射歌辭

卷之三十九

樂部



漢鼓吹曲辭

魏鼓吹曲辭

吳鼓吹曲辭

晉鼓吹曲辭

卷之四十

樂部

宋鼓吹曲辭

梁鼓吹曲辭

隋鼓吹曲辭

卷之四十一

樂部

梁橫吹曲辭

漢相和歌辭

梁相和歌辭

卷之四十二

樂部

晉清商曲辭

卷之四十三

樂部

晉清商曲辭

宋清商曲辭

齊清商曲辭

梁清商曲辭

卷之四十四

樂部

漢舞曲歌辭

魏舞曲歌辭



晉舞曲歌辭

卷之四十五

樂部

宋舞曲歌辭

齊舞曲歌辭

梁舞曲歌辭

北齊舞曲歌辭

隋舞曲歌辭

漢雜曲歌辭

晉雜曲歌辭

梁雜曲歌辭

卷之四十六

樂部

歌  
舞

卷之四十七

樂部

琴操

卷之四十八

樂部

琴

瑟

箏

琵琶

篳篥

鐘

鞀

鳴篳

笙

簫

笛

篪

箛

磬

鼓

卷之四十九



文部

經

著書

講書

講學

讀書

觀書

借書

抄書

校書

詠史

卷之五十

文部

書

牒

版

經撓

書枕

書帙

紙

筆

硯

卷之五十一

武部

征伐

從征

講武

驍勇

威名

送軍

觀兵

從軍

卷之五十二

武部

凱旋

將

武功

出圍

解嚴

戍守

八陣圖

壘

鉞

稍

劍

刀

七

弓

矢

弩

彈



卷之五十三

人部

聖

賢

忠

孝

卷之五十四

人部

祖先

父子

夫婦

卷之五十五

人部

兄弟

兄妹

卷之五十六

人部

宗族

親戚

親友

孤兒

交游

結客

神童

敏捷

弟子職

身體

卷之五十七

人部

懷思

于進

尋訪

寓宿

待候

宴集

卷之五十八

人部



古詩類考 目錄

俠少

卷之五十九

人部

行樂

豪華

醉

夢

卷之六十

人部

隱逸

卷之六十一

人部

贈答

卷之六十二

人部

贈答

卷之六十三

人部

贈

卷之六十四

人部

贈

卷之六十五

古詩類考

目錄

三



古詩類苑

目錄

古

人部

荅

寄

卷之六十六

人部

頌德

卷之六十七

人部

賜詩

獻詩

卷之六十八

人部

唱和

聯句

卷之六十九

人部

賞譽

毀怨

卷之七十

人部

規戒

卷之七十一

人部

諷刺

古詩類苑

目錄

古



卷之七十二

人部

諷諫

示諭

言

嘲戲

卷之七十三

人部

祖道

送

卷之七十四

人部

別

卷之七十五

人部

送別

宴別

贈別

酬別

畱別

卷之七十六

人部

遊覽

眺望

臨泛

卷之七十七

人部

古詩

古意

卷之七十八



古詩類苑 目錄

人部

擬古

卷之七十九

人部

擬古

卷之八十

人部

雜興

卷之八十一

人部

雜體

卷之八十二

人部

述懷

卷之八十三

人部

述懷

宦情

自劾

卷之八十四

人部

行役

羈旅

奔亡

流徙

古詩類苑

目錄

七



移家 還都 還鄉 還家

卷之八十五

人部

感遇

卷之八十六

人部

感遇

卷之八十七

人部

感慨 感舊

卷之八十八

人部

懷賢

卷之八十九

人部

哀時 時事 殉國 老

貧窮 憂愁

卷之九十

人部

疾病 臨終

詩經

目錄

大



古詩類考 目錄

卷之九十一

人部

哀傷 送葬

卷之九十二

人部

賢媛 貞節

卷之九十三

人部

美人 妓 繁華

卷之九十四

人部

閨情

卷之九十五

人部

閨情

卷之九十六

人部

璇璣圖

卷之九十七

人部

古詩類考

目錄

九



幽怨

卷之九十八

人部

幽怨

卷之九十九

儒部

耆儒

孝廉

明經

産業部

農

耕

賈客

織

漁

獵

卷之一百

釋部

佛

念佛

禮佛

僧

道人

法師

卷之一百一

釋部

沙門

經

觀化

講解

懺悔

齋

受戒

卷之一百二

釋部



法會

道場

燈

香

花

幡

鐘

刹

山居

佛日

卷之一百三

釋部

法語

卷之一百四

道部

仙

卷之一百五

道部

仙

步虛

道人

攝養

採藥

服食

煉丹

飛昇

卷之一百六

道部

仙詩

卷之一百七

道部

仙詩

卷之一百八



道部

仙詩

卷之一百九

宮室部

宮

殿

闕

卷之一百十

宮室部

樓

臺

閣

卷之一百十一

宮室部

亭

第

宅

堂

齋

室

居

墅

館

家

卷之一百十二

宮室部

田舍

墟

客舍

竈

庫

門

窗

階

城

市

卷之一百十三

寺觀部



寺 浮圖

卷之一百十四

寺觀部

山房 精舍 道館 壇

廟 鬼詩 妖詩

卷之一百十五

器用部

漏 舟 車 鏡

簾 幔 帳 屏風

燈 庭燎 燭

卷之一百十六

器用部

扇 印 綬 鼎

篋 璽 剛郊 香

爐 火籠

卷之一百十七

器用部

臥具 牀 枕 席

几 案 杖 塵

樽 杯 缶 唾壺



盤 藥奩 鞍 轡

筮 量

卷之一百十八

服食部

冠 幘 釵 步搖花

衣 砧 佩 笏

裘 衫 袍複 結綫袋子

襪 履 繡 酒

卷之一百十九

玉帛部

玉 珠 貝 金銀

銅 錢 布

巧藝部

畫 射 投壺 碁

戲場

方術部

筮 絲 相 覆射

卷之一百二十

識數部

卷之一百二十一



祥瑞部

慶雲

甘露

白雉

黃鵠

騶虞

應龍

天馬

靈芝

萍實

木連理

寶鼎

穀

禾

鵲

鳩

總瑞

災異部

商羊

洪水

遇火

苦旱

鸚鵡

雜謠

卷之一百二十二

花部

花

芍藥

桂

蘭

蕙

菊

葵

薔薇

梔子

梨花

槿

芙蓉

蓮

柰

萱

款冬花

卷之一百二十三

草部

草

鬱金

芣苢

艾

懷香

仙人草

茯苓

禹餘糧

桃飴

黃連

卷施

杜若

苔

著

甘蕉

百合



慎火 益智 香茅 女蘿

兔絲 藤 菰 蒲

蓬 荻 浮萍 菱

麻 芝 葛

卷之一百二十四

果部

果 梅 桃 李

杏 朱櫻 榴 荔枝

棗 栗 柿 柰

檳榔 柑橘 梨 三廩

卷之一百二十五

木部

草木頌 樹 落葉 柳

竹 桐 松 柏

桑 槐 檉 䟽楓

卷之一百二十六

鳥部

鳳 鸞 鶴 鵠

鵬 青鳥 翠鳥 鸚鵡

鷓鴣 鷓鴣 烏鳶 反舌



百舌

鴟

鳥

鵲

鳩

燕

雉

雀

鷹

鷗

鷺

鷓鴣

鳧

雁

鴻

鷄

啄木

精衛

雜鳥

卷之一百二十七

獸部

麟

犀

象

兕

豕

狴狴

羊

獾

橐駝

駃騠

騊駼

馬

獾

牛

犬

鹿

狼

虎

比肩獸

狐

鼠

卷之一百二十八

鱗介部

龍

蛇

龜

魚

蟲豸部

蜂

蝶

螢

蟬

顛當

蜻蛉

螳螂

尺蠖

蚌

蟪蛄

江搖炷

海蛙



瓦蠟

卷之一百二十九

古諺部

卷之一百三十

補亡部

存逸部

古詩類苑目錄終

古詩類苑卷之一

雲間張之象玄超纂輯

俞顯卿子如補訂

張所敬長輿

徐光啟子先校正

俞顯謨子昭

王 頴玄瑛叅閱

陳 甲伯子

天部

天



古詩類考卷之一 天音

天行篇

傳 玄

天行一何健日月無高蹤百川皆赴海藝文作赴賜谷三辰回

泰蒙

天行歌

前人

天時泰兮昭以陽清風起兮景雲翔仰觀兮辰象日月今運周俯視兮河海百川兮東流

天贊

何承天

軒轅改物以經天人容成造曆大撓創辰龍集有次星紀乃分

釋天地贊

郭璞

祭地肆瘞郊天致禋氣升太清精淪九泉至敬不文明德惟鮮

兩儀詩

傳 玄

兩儀始分元氣清列宿垂象六位成日月西流景東征

悠悠萬物殊品名聖人憂代念羣生一作兩儀始分元氣上清列宿垂象

六位時成日月西邁流景東征悠悠萬物殊品齊名聖人憂世實念羣生

詠日

張載

白日隨天迴噉噉圓如規踊躍湯谷中上登扶桑枝

同前

傅 玄

古詩類考卷之一 天音



湯谷發清曜九日棲高枝願得並天御六龍齊玉羈

同前

李鏡遠

始臨東嶽觀俄升若木枝萍實詎儔彩合扇且慙規北  
林耿初曜圓窻鑒早曦照庭餘雪盡映簷溜滴垂徘徊  
匝花樹煜燦滿春池柳陰栽靡靡簾影復離離曾泉豈  
亭舍淮南子曰日至會泉是為早食桑榆忽在斯迴戈安得中長繩不  
可羈冲情愛景落清宴惜光馳溫暉徒已荷深心竊自  
知

詠日應令

劉孝綽

弭節馳暘谷照檻出扶桑園葵亦何幸傾葉奉離光

詠日應趙王教

康孟

金烏升曉氣玉檻漾晨曦先汎扶桑海返照若華池洛  
浦全開鏡衡山半隱規相懽承愛景共惜寸陰移

十日贊

郭璞

十日並出草木焦枯昇乃控弦仰落陽烏可為洞感天  
人懸符

白日歌

并序

張融

懸象著明莫大於日月而彼日月不能不謝固知無  
準衰為盛之終盛為衰之始故為白日歌  
白日白日舒天昭暉數窮則盡盛滿則衰



詠朝日

梁簡文帝

團團出天外煜煜上層峯光隨浪高下影逐樹輕濃

日昇歌

傅玄

東光昇朝陽羲和初攬轡六龍並騰驤逸景何晃晃旭  
日照萬方皇德配天地神明鑒幽荒

日出行

蕭撝

昏昏隱遠霧團團乘陣雲正值秦樓女含嬌酬使君

詠日華

徐陵

朝暉爛曲池夕照滿西陂復有當書景江上鑠光儀時  
從高浪歇乍逐細波移一在雕梁上詎比扶桑枝

落日同何儀曹煦

謝朓

參差複殿影氛氳綺羅雜風入天淵池芰荷搖復合遠  
聽雀聲聚回望樹陰昏一賞桂尊前寧傷蓬髮颯

落日悵望

前人

昧旦多紛喧日晏未遑舍落日餘清陰高枕東窻下寒  
槐漸如束秋菊行當把借問此何時涼風懷朔馬已傷  
慕歸客復思離居者情嗜幸非多案牘偏為寡既乏瑯  
琊政方憇洛陽社

晚日後堂

梁簡文帝

幔陰通碧砌日影度城隅岸柳垂長葉窻桃落細跗花



畱蛺蝶粉竹翳蜻蜓珠賞心無與共染翰獨踟躕

奉和晚日

劉孝威

虬簷挂珠箔虹梁卷霜綃迷迭涵香長芙蓉逐浪搖飛  
輪搏羽扇翻車引落潮甘泉推激水迎風慙遠颺寄言  
王待詔因聲張子僑吾君安已樂無勞誦洞簫

日落望江贈荀丞

鮑照

旅人乏愉樂薄暮增思深日落嶺雲歸延頸望江陰亂  
流叢大壑長霧匝高林林際無窮極雲邊不可尋惟見  
獨飛鳥千里一揚音推其感物情則知遊子心君居帝  
京內高會日揮金豈念慕羣客咨嗟戀景沈

太子狀落日望水

劉孝綽

川平落日迴落照滿川漲復此一作淪波地派別引沮  
漳耿耿流長脉熠熠動微光寒鳥逐杳漾飢鶉拂浪翔  
臨泛一作自多美况乃一作還故鄉榜人夜理戢擢女  
閭成粧欲待春江曙爭塗向洛陽

春夕早泊和劉諮議落日望水

何遜

旅人嗟倦遊結纜坐春洲日暮江風靜中川聞棹謳草  
光天際合霞影水中浮單艫時向浦獨檝乍乘流變童  
泣垂釣妖姬哭盪舟客心自有緒對此空復愁



落日郡西齋望海山

蕭子雲

漁舟暮出浦漢女採蓮歸夕雲向山合

一作浦

水鳥望田

飛蟬鳴早秋至蕙草無芳菲故隱天山北夢想日依依

山池落照

王褒

竹館掩荆扉池光晦晚暉孤舟隱荷出輕棹染苔歸浴

禽時侶竄驚羽忽單飛

闕

落日登高

王僧孺

憑高且一望目極不能捨東北指青門西南見白社軫

軫河梁上紛紛渭橋下爭利亦爭名驅車復驅馬寧訪

蓬蒿人誰憐寂寞者

三光篇

傅玄

三光垂象表天地有晷度聲和音響應形立影自附素

日抱玄鳥明月懷靈兔

月

應王中丞思遠咏月

沈約

月華臨靜夜夜靜滅氛埃方暉竟戶入圓影隙中來高

樓切思婦西園遊上才網軒映珠

一作朱

綴應門照綠苔

洞房殊未曉清光信悠哉

詠月贈人

王褒

月色當秋夜斜暉映薄帷上弦如半璧初魄似蛾眉渡



雲光忽駛中天影更遲高陽懷許掾對此益相思

新月

劉瑗

仙宮雲箔捲露出玉簾鈎清光無所贈相意鳳凰樓

詠新月

梁邵陵王綸

霜氛含月彩靄靄下南樓霧濃光若晝雲駛影疑流

新月

庾信

鄭環唯半出秦鈎本獨懸若交臨酒影堪言照

望新月示同羈

何遜

初宿長淮上破鏡出雲明今夕千餘里雙蛾映水生的與沙靜灑灑逐波輕望鄉皆下淚非我獨傷情

明月篇

藝文作怨詩

傅玄

皎皎明月光灼灼朝日暉昔為春蠶絲今為秋女衣丹唇列素齒翠彩發蛾眉嬌子多好言歡合易為姿玉顏盛有時秀色隨年衰常恐新間舊變故興細微浮萍本無根一作浮萍無根本非水將何依憂喜更相接樂極還自悲

明月子

謝燮

杪秋之遙夜明月照高樓登樓一迴望望見東一作南陌頭故人眇千里言別歷九秋相思不相見望望空離憂

華月

梁簡文帝

兔絲生雲夜蛾影出漢時欲傳千里意不照十年悲

古詩真苑卷之二

天印

七



月重輪行

戴嵩

皇基屬明兩副德表重輪重輪非是暈桂滿自恒春海  
珠含更滅階莫翳且新婕妤比團扇曹王譬洛神浮川  
疑讓一作漆壁入戶類燒銀從來看顧兔不曾聞鬪麟址  
堂豈盈手西園偏照人

朗月行

鮑照

朗月出東山照我綺窓前窓中多佳人被服好且妍靚  
粧坐帳一作帷裏當戶弄清絃鬢奪衛女迅體絕飛燕先  
爲君歌一曲當作朗月篇酒至顏自解聲和心亦宣千  
金何足重所存意氣間

侍宴賦得龍沙宵明月

劉孝威

鵲飛空繞樹月輪殊未圓嫦娥望不出桂枝稍隱殘落  
照移樓影浮光動塹瀾樞馬悲笳吹城烏啼塞寒傳聞  
機杼妾愁余衣服單當秋絡已脆銜啼織復難飲眉雖  
不樂舞劒強爲歡請謝函關吏行當封一丸

擬明月照高樓

梁武帝

圓魄當虛闥清光流思延延思對孤影悽怨還自憐臺  
鏡早生塵匣琴又無絃悲慕屢傷節離憂亟華年君如  
東扶景妾似西柳煙相去旣路迴明晦亦殊懸願爲銅  
鐵轡以感長樂前



賦得三五明月滿

江總

三五兔輝成浮雲

一作陰

冷復輕隻輪非戰反團扇少歌

聲雲前來往色水上動搖明况復高樓照何嗟攬不盈

賦得薄帷鑒明月

張正見

阮籍咏懷詩云薄帷鑒明月清風吹我衿

長河上桂月澄彩照高樓分簾疑碎壁隔幔似垂鈎窓

外光恒滿帷

一作閨

中影暫流豈及西園夜長隨飛蓋遊

同蕭治中賦得蕩婦高樓月

王臺卿

空庭高樓月非復三五圓何須照床裏終是一人眠

邊戍

梁武帝

秋月出中天遠近無偏異共照一光輝各懷離別思

詠秋月

虞羲

影麗高臺端光入長門殿初生似玉鈎裁滿如團扇泛

濫浮陰來金波時不見儻遇賞心者照之西園宴

望秋月

蕭子範

河漢東西陰清光此夜出入帳華珠被斜筵照寶瑟霜

慘庭上蘭風鳴簷下橘獨見傷心者孤燈坐幽室

暮秋望月示學士各釋愁應教

徐儀

碣石寒光遠 秋色高長洲正下葉曲岸已飛濤君



王帳晚節延佇謁神臯復屬西園夜輕輦暫遊遨遊遨  
未云賞蒼茫孤月上枝間影合離波上光來往此夕未  
央宮應照仙人掌高明轉淨夜深留睿想處處敞高  
肩流照滿珠庭重輪入雅曲合璧應祥經燦爛浮珠網  
參差間玉星山幽有芳桂林靜發新萸萸開布帝城分  
枝共月明斜暉漸西落彌軫歸情驂駕且來遊聖藻  
命舒愁詢芻以蠲病參妙本難酬良史稱大閔因時命  
應劉楚王追綠兕齊后出青丘馳原落雲翼截水曳吞  
舟無勞子虛咤卽事可忘憂

望月

宋孝武帝

寒幕蕩暄氣入夜漸流清微微風始發曖曖月初明思  
因往物深悲以歸雲盈

同前

梁簡文帝

流暉入畫堂初照上梅梁形同七子鏡影類九秋霜桂  
花那不落團扇與誰粧空聞北窻彈未舉西園觴

和望月

庾肩吾

桂殿月偏來留光引上才圓隨漢東蚌暈逐淮南灰渡  
河光不濕移輪轍詎開此夜臨清景還承終宴杯

和徐主簿望月

前人

樓上徘徊月牕中愁思人照雪光偏冷臨花色轉春星



流時入暈桂長欲侵輪願以重光曲承君歌扇塵

望月

梁簡文帝

今夜月光來正上相思臺可憐無遠近光照悉徘徊

同前

劉孝綽

輪光缺不半扇影出將圓流光照漭漭波動映淪漣

同前

庾信

夜光流未曙金波影尚賒照人非七子含風異九華  
莫新半壁上桂滿獨輪斜乘舟聊可望無假逐仙

一作槎

望月有所思

劉孝綽

秋月始纖纖微光垂步簷腫隴入牀篔簹鬢鑑窻簾簾

螢隱光息簾蟲映光纖玉羊東北上金虎西南旻長門

隔清夜高堂夢容色如何當此時懷情滿曾臆

泛湖歸出樓中望月

謝惠連

日落泛澄瀛星羅遊輕橈憇榭面曲汜臨流對迴潮  
輟策共駢筵並坐相招要哀鴻鳴沙渚悲援響山椒亭亭  
映江月颺颺出谷颺斐斐氣冪岫泫泫露盈條近矚祛  
幽蘊遠視盪誼囁晤言不知罷從夕至清朝

江上望月

鮑泉

客行鈎始懸此夜月將弦川澄光自動流駛影難圓  
蒼蒼隨遠色漾漾逐漪漣無因轉還汎迴首眷前賢



望江中月影

梁元帝

澄江涵皓月水影若浮天風來如可泛流急不成圓秦  
鈎一作鏡斷復接和璧碎還聯裂紈依岸草斜桂逐行船  
卽此春江上無俟百枝然

翫月城西門廡中

鮑照

始見一作出西南樓纖纖如玉鈎末映東北墀娟娟似蛾  
眉蛾眉蔽珠櫳玉鈎隔鎖窻三五二八時千里與君同  
夜移衡漢落徘徊帷戶玉臺作幌中歸華先委露別葉早辭  
風客遊厭苦辛仕子倦飄塵休澣自公日宴慰及私辰  
蜀琴抽白雪郢曲發玉臺作繞陽春肴乾酒未闕金壺啓夕

淪迴軒駐輕蓋留酌待情人

舟中望月

朱超

大江闊千里孤舟無四隣唯餘故樓月遠近必隨人入  
風先遶暈排霧急移輪若教長似扇堪拂艷歌塵

同前

庾信

舟子夜離家開舲望月華山明疑有雪岸白不關沙天  
漢看珠蚌星橋視桂灰飛重暈闕莫落獨輪斜

在縣中庭看月

劉瑗

移榻坐庭陰初弦時復臨侍兒能勸酒貴客解彈琴栢  
葉生鬟內桃花出髻心月光移數尺方知夜已深



和繆郎視月

何子朗

清夜未云疲珠簾聊可發泠泠玉潭水映見蛾眉月靡靡露方垂暉暉光稍沒佳人復千里餘影徒揮忽

奉和月下

王融

雕雲度綺錢香風入珠網獨知此夜月依遲慕神賞

月下秋宴

魏收

此夕甘言宴月照露方塗使星疑向蜀劍氣不關吳良交契金水上客慰萱蘇何必應劉輩還來遊鄴都

林下映月

劉孝綽

明明三五月垂影當高樹橫柯半玉蟾衰葉彰金兔茲

林有夜坐嘯歌無與晤側光聊可書含毫且成賦

關山月

梁元帝

朝望清波道夜上白登臺月中含桂樹流影自徘徊寒沙逐風起春花犯雪開夜長無與晤衣單誰為裁

同前

陳後主

秋月上中天迴

一作迴

照關城前暈缺隨灰滅光滿應珠

圓帶樹還添桂銜峯乍似弦復教征戍客長怨久

連翻

戍邊歲月久恒悲望舒耀城遙接暈高澗風連影搖寒光帶岫徙冷色含山峭看時使人憶為似嬌娥照

同前

陸瓊



古詩類苑卷之一 天音  
邊城與明月俱在關山頭  
焚烽望別壘擊斗宿危樓  
團婕妤扇纖纖秦女鈎  
鄉園誰共此愁人屢益愁

同前

徐陵

關山三五月客子憶秦川  
思婦高樓上當窻應未眠  
星旗映踈勒雲陣上祁連  
戰氣今如此從軍復幾年  
月出柳城東微雲掩復通  
蒼茫縈白暈蕭瑟帶長風  
羌兵燒上郡胡騎獵雲中  
將軍擁節起戰士夜鳴弓

同前

賀力牧

重關斂暮烟明月下秋前  
照石疑分鏡臨弓似引弦  
霧暗迷旗影霜濃濕劍蓮  
此處離鄉客遙心萬里懸

同前

阮卓

關山陵漢開霜月正徘徊  
映林如璧碎侵塞似輪摧  
楚師隨晦盡胡兵逐暖來  
寒笳將夜鵲相亂晚聲哀

同前

江總

兔月半輪明狐關一路平  
無期從此別復欲幾年  
行曠光書漢奏分影照胡兵  
流落今如此長戍受降城

同前

張正見

巖間度月華流彩映山斜  
暈逐連城壁輪隨出塞車  
唐莫遙合影秦桂遠分花  
欲驗盈虛理一作駛方知道路賒

同前

王褒



關山夜月明秋色照孤城影虧一作半形同漢陣輪滿一作全影  
逐胡兵天寒光轉白風多暈欲生寄言亭上吏遊客解  
鷄鳴

星

衆星詩

傅玄

朗月共衆星日出擅其明冬寒地爲裂春和草木榮陽  
德雖普濟非陰亦不成

古詩

前人

東方大明星光景照千里少年舍家遊思心晝夜起

賀老人星詩

邢邵

瑞動星光照化穆月輪重庶徵符祉錄將以贊時雍

月夜觀星

隋煬帝

團團素月淨脩脩夕景清谷泉驚暗石松風動夜聲披  
衣出荆戶躡履步山楹欣覩明堂亮喜見泰階平甯參  
猶可識牛女尚分明更移斗柄轉夜久天河橫徘徊不  
能寐參差幾種情

奉和月夜觀星應令

諸葛穎

窈窕神居遠蕭條更漏深薄烟淨遙色高樹肅清陰星  
月滿茲夜燦爛還相臨連珠欲東上團扇漸西沉澄水  
含斜漢修樹隱橫參時聞送籌柝屢見繞枝禽聖情記



餘事振玉復鳴金

同前

袁慶隆

六龍出匿影顧兔始馳光戒井傳宵漏

文選刻漏銘  
徽宮戒井

山

庭引夕涼宸居多勝託閑步出琳堂爛爛星芒動耿耿

清河長青道移天駟北極轉文昌喬枝猶隱畢絕嶺半

侵張仰觀留玉裕

文選陸士衡宣猷  
堂詩天姿玉裕

睿作動金相無庸

徒抱寂何以繼連章

同前

蕭琮

陽精去南陸大曜始西流夕風凄謝暑夜氣應新秋重

門月已映巖城漏漸脩臨風出累榭度月蔽層樓靈河

隔神女仙轡動星牛玉衡指棟落瑤光對幌留徒知仰

閭闔乘槎未有由

同前

虞世南

早秋炎景暮初弦月彩新清風滌暑氣文露淨囂塵蕩

霧銷輕縠鮮雲卷夕鱗休光灼前耀瑞彩接重輪緣情

摘聖藻並作命徐陳宿草誠渝濫吹嘘偶縉紳天文豈

易述徒知仰北辰

河

賦得秋河曙耿耿

張正見

謝朓詩云秋河曙

耿耿寒渚鬱蒼蒼



耿耿長河曙濫濫一作濫宿雲浮天路橫秋水星衡一作橋  
轉夜流月下姮娥落風驚織女秋德星猶可見仙槎不  
復留

古詩類苑卷之一 終

古詩類苑卷之二

雲間張之象玄超纂輯

俞顯卿子如補訂

張所敬長興

徐光啟子先校正

俞顯謨子昭

王 頰玄叟叅閱

陳 甲伯子

天部

風



大風歌

一名三侯之章

漢高帝

漢書曰高帝既定天下還過沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌令兒皆和習之帝乃起舞慷慨傷懷

大風起兮雲飛揚威加海內兮歸故鄉安得猛士兮守

四方

詠風

謝朓

徘徊發紅萼葳蕤動綠旒垂楊低復舉新萍合且離步  
檐行袖靡當戶思襟披高響飄歌吹相思子未知時拂  
孤鸞鏡星鬢視參差

同前

梁簡文帝

飄飄散芳勢泛漾下蓬萊傳涼入鏤檻發氣滿瑤臺  
禾周邦偃飛鴈宋都迴亟搖故葉落屢蕩新花開暫舞  
驚鳧去時送葢香來已拂巫山雨何用卷寒灰

同前

梁元帝

樓上試朝粧風花下砌旁入鏡先飄粉翻衫好染香  
舞飛長袖傳歌共繞梁欲因吹少女還持拂大王

同前

王臺卿

浸淫不可識去來非有情乍見珠簾捲時覺洞房清  
暫拂蘭池上澹淡玉波生一辯雄雌異還惡庶人輕

同前

庾肩吾



宋地鷓飛初湘川燕起餘掃一作壇聊動竹吹薤欲成  
書蒼梧洞猶在一作蒼崦合浦樹應踈陽鳥一轉翅千  
里定非虛

同前

劉孝綽

嫋嫋秋聲習習春吹鳴茲玉樹渙此銅池羅幃自舉襟  
袖乃披慙非楚侍濫賦雄雌

同前

祖孫登

颯颯楚王宮徘徊繞竹叢帶葉俱吟樹將花共儻空飄  
香雙袖裏亂曲五絃中試上高臺聽悲響定無窮

賦得風

阮卓

高風應爽節搖落漸踈林吹雲旅鴈斷臨谷曉松吟屢

惜初學涼秋扇常飄清夜琴泠泠隨列子彌諧逸豫心

晨風行

王循

霧開九曲瀆風起千金堤岸回分野逕林際成牛蹊鳧  
隨落潮去日傍綺霞低望日輕舟隱瑟瑟遠寒悽還眺  
小平急宴語方難齊

詠入幌風

費昶

經堂一作汎寶瑟乘隙動浮埃鏘金驅響至舉袂送芳  
來能使蘭膏滅乍見珠簾開輕裾試一舉今子暫遲迴

西陵遇風獻康樂五章

謝惠連



我行指孟春春仲尚未發趣途遠有期念離情無歇戒  
裝候良辰漾舟陶嘉月瞻塗意少悰還顧情多闕

哲兄感仇別相送越垌林飲餞野亭館分袂澄湖陰悽

悽留子言眷眷浮客心迴塘隱鱸棧遠望絕形音

靡靡卽長路戚戚抱遙悲悲遙但自弭路長當語五臣作問

誰行行道轉遠去去情彌遲昨發浦陽內今宿浙江

屯雲蔽曾嶺驚風湧飛流零雨潤墳澤落雪灑林丘浮

氛晦崖巘積素惑原疇曲汜薄停旅五臣作依通川絕舟行

臨津不得濟佇楫阻風波蕭條洲渚際氣色少諧和西

瞻五臣作矚興游歎東瞻起悽歌積憤成疾瘵無萱將何如

江都遇風

庾 闡

天吳踊靈壑將駕奔冥霄飛廉振折木流一作靈景登扶  
搖洪川佇宿浪躍水迎晨潮仰盼蹙玄雲俯聽聒悲飈

岐陽守風

鮑 照

差池玉繩高掩藹一作映瑤井沒廣岸屯宿陰懸崖樓歸

月後人喜先馳軍令申早發洲迴風正悲江寒霧未歇

飛雲日東西別鶴方楚越塵衣孰揮澣蓬思亂光髮

櫟口守風

劉孝綽

春心已應豫歸路復當歡如何此日風霾曠駭波瀾倏  
見搖心慘俄瞻鄉路難賴有同舟客移宴息層巒華茵



藉初卉芳樽散緒寒  
詭浪雖云善江流苦未安  
何由入故園詎卽紉新蘭  
寄謝浮丘子暫欲假飛鸞

和劉諮議守風

何遜

彌旬苦凌亂揆景候阡陌  
晝想汝陽津夜夢邯鄲驛  
憤風急驚岸屯雲仍觸石  
蕭條疾帆流礮礮衝波  
白息榜已云久維稍晨已積  
蒼蒼極浦潮杳杳長洲夕  
本慙飲飛劍寧慕澹臺壁  
織羅若不 跂予中上濤

庚子歲五月中從都還阻風於規林二首

陶淵明

行行循歸路計日望舊居  
一欣侍溫顏再喜見友于  
鼓棹路崎曲指景限西隅  
江山豈不險歸子念前途  
凱風負我心戢柁守窮湖  
高莽眇無界夏木獨森疎  
誰言客舟遠近瞻百里餘  
延日識南嶺空嘆將焉如

自古嘆行役我今始知之  
山川一何曠異坎難與期  
崩浪聒天響長風無息時  
久游戀所生如何淹在茲  
靜念園林好人間良可辭  
當年詎有幾縱心復何疑

詠春風

何遜

可聞不可見能重復能輕  
鏡前飄落粉琴上響餘聲

同前

賀文標

排簾動輕幔一作汎水拂垂楊  
本持飄落蘂翻送舞衣



香

秋風辭

漢武帝

漢武帝故事曰帝行幸河東祠后土顧視帝京忻然中流與羣臣飲讌帝歡甚乃自作秋

辭

秋風起兮白雲飛草木黃落兮鴈南歸蘭有秀兮菊有芳懷佳人兮不能忘汎樓船兮濟汾河橫中流兮揚素波簫鼓鳴兮發權歌懽樂極兮哀情多少壯幾時兮柰老何

秋風一作秋歌

湯惠休

秋風嫋嫋入曲房羅帳含月思心傷蟋蟀夜鳴斷人腸

長夜思君心飛揚他人相思君相忘錦衾瑤席為誰芳

一作徒為芳

和巴陵王秋風曲三首

江洪

先拂連雲臺罷入迎風殿已折池中荷復驅簷裏燕  
嬌婦悲四時况在秋閨內淒葉留晚蟬虛庭吐寒菜  
址牖風摧樹南籬寒蛩吟庭中無限月思婦夜鳴砧

招商歌

漢靈帝

拾遺記云靈帝初平三年遊於西園起裸遊館十間采綠苔而被管引渠水以繞砌周流澄徹乘船遊漾選玉色宮人執篙楫又奏招商之曲以來涼風歌曰

涼風起兮日照渠青荷晝偃葉夜舒惟日不足樂有餘



清絲流管歌玉鳧

曲名

千年萬歲嘉難踰

拾遺記渠中植蓮大如蓋長一

丈南國所獻其葉夜舒晝卷名夜舒荷

歸風送遠操

趙飛燕

西京雜記曰趙后有寶琴曰鳳凰皆以金玉隱起為龍鳳螭鸞古賢列女之象亦善為歸風送遠之操

涼風起今天隕霜懷君子今渺難望感予心今多慨慷

北風涼行

鮑照

北風涼雨雪雱京洛女兒多妍粧遙豔帷中自悲傷沉吟不語若有一一作忘問君何行何當歸苦使妾坐自傷

悲慮年至慮顏衰情易復恨難追

朔風詩五章

魏陳思王

仰彼朔風用懷魏都願騁代馬倏忽北徂凱風永至思彼蠻方願隨越鳥翻飛南翔

四氣代謝懸景運周別如俯仰脫若三秋昔我初遷朱華未晞今我旋止素雪云飛

俯降千仞仰登天阻風飄蓬飛載離寒暑千仞易陟天阻可越昔我同袍今永乖別

子好芳草豈忘爾貽繁華將茂秋霜悴之君不垂眷豈云其誠秋蘭可喻桂樹冬榮

絃歌蕩思誰與銷憂臨川慕思何為去聲泛舟豈無和樂



游非我隣誰忘泛舟愧無榜

音進又人音謗

### 大風謠

晉書載記曰慕容寶嗣位以慕容德為都督冀交六州諸軍事鎮鄴會魏師入中山寶出奔于薊時有謠曰——於是德之羣臣勸德僭號稱元

大風蓬勃揚塵埃八井三刀卒起來四海鼎沸中山頽  
惟有德人據三臺

雲

### 吹雲贊

魏陳思王

天地變化是生神物吹雲吐潤浮雲蒼鬱

詠雲

梁簡文帝

浮雲舒五色瑪瑙應霜天玉葉散秋影金風飄紫烟

同前二首

吳均

飄飄上碧虛藹藹隱青林氛氲如有意縈鬱詎無心  
白雲蒼梧來過拂章華臺逢河散復卷經風合且開

雲歌

傅玄

白雲翩翩翔天庭流景髣髴非君形白雲飄飄捨我高  
翔青雲徘徊為我愁腸

同前

王臺卿

玉雲初度色金風送影來全生疑魄暗半去月時開欲  
知無處所一為上陽臺



浮雲

魏文帝

西北有浮雲亭亭如車蓋惜哉時不遇忽與飄風會吹我東南行行行至吳會吳會非我鄉安能久留滯棄置勿復陳客子常畏人

學魏文帝

江淹

西北有浮雲繚繞華陰山惜哉時不遇入夜值霜寒秋風聒地起吹我至幽燕幽燕非我國窈窕為誰賢少年歌且止歌聲斷客子

浮雲

梁簡文帝

可憐片雲生暫重復還輕欲使襄王夢應過白帝城

賦得新雲

張正見

西北春雲起遙臨偃蓋松根危纔吐葉氣淺未成峯風前飛未斷日處影疑重體輕無五色詎是得從龍

和王中書德充詠白雲

沈約

白雲自帝鄉氛氲屢迴沒蔽虧崑山樹含吐瑤臺月秋風西北起飄我過城闕城闕已參差白雲復離離皎潔在天漢倒影入華池將過丹丘野時至碧林垂九重迎飛燕萬里送翔螭

詔問山中何所有賦詩以答

陶弘景

山中何所有嶺上多白雲只可自怡悅不堪持寄君



賦得白雲臨酒

張正見

白雲蓋濡水流彩入澗川  
踈葉臨嵒竹輕鱗入鄭船  
菊泛金枝下峯斷玉山前  
一朝開五色飄飄映十千

賦得白雲抱幽石

孔範

謝靈運過始寧墅詩白雲抱幽石綠篠媚清連

白雲浮遠蓋飄飄繞石飛  
帶蓮縈錦色拂鏡下仙衣  
陣結香爐隱羅成玉女微  
能感荆王夢陽臺雜雨歸

賦得處處春雲生

蔡凝

謝朓和劉西曹望海臺詩曰徃徃孤山映處處春雲生

春色遍空明春雲處處生  
入風衣暫斂隨車蓋轉輕作

葉還依樹為樓欲近城  
含愁上對影似有別離情

玄雲

張率

壞陣壓峨壘遮窓暗思屏  
映日斜生海跨樹似鵬飛  
夢山妾已去落屬何由歸

雷

驚雷歌

傅玄

驚雷奮兮震萬里威陵宇  
宙兮動四海六合不維兮  
誰能埋

雜言一作雷

前人

雷隱隱感妾心傾耳清聽  
非車音一無清字



霹靂引

梁簡文帝

來從東海上發自南山陽時聞連鼓響乍散投壺光飛  
車走四瑞繞電發時祥令去於斯表殺來永傳芳

霹靂引

辛德源

出地聲初奮乘乾威更作雲銜天笑明雨帶星精落碎  
枕神無擾震楹書自若側聞吟白虎遠見飛玄鶴

雨

詠雨

阮瑀

苦雨滋玄冬引日彌且長丹墀自穢瘴深樹猶沾裳客  
行易感悴我心摧已傷登臺望江沔陽侯沛洋洋

同前

傅玄

徂暑未一旬重陽翳朝霞厥初月離畢積日遂滂沱屯  
雲結不解長溜周四阿霖雨如倒井黃潦起洪波湍深  
激墻隅門庭若決河炊爨不復舉竈中生蛙蝦

擬雨詩

虞騫

清風送涼氣薄暮蕩炎氛虹照漣漪水電出嵯峨雲落  
暉散長足細雨織斜文

庭雨應詔

沈約

出空寧可圖入庭倍難賦非烟復非雲如絲復如霧霖  
霖裁欲垂霏微不能注雖無千金質聊為一辰趣



行雨

梁簡文帝

本是巫山來無人覩容色唯有楚王臣曾言夢相識

細雨

梁元帝

風輕不動葉雨細未霑衣入樓如霧上拂馬似塵飛

賦得微雨從東來應教

諸葛穎

陶淵明讀山海經詩微雨從東來好風與之俱

微雨闇東峯散漫洒長松澗浦新流濁山霑積翠濃風起還吹燕雲來本送龍登年隨玉燭名山定可封

賦得梅林輕雨應教

張正見

梅樹耿長虹芳林散輕雨蜀郡隨仙去陽臺帶雲聚飄

花更濯枝潤石還侵柱詎得零陵燕隨風時共舞

賦得入塔雨

梁簡文帝

細雨塔前入灑砌復沾帷漬花枝覺重濕鳥羽飛遲儻令斜日照併欲侶遊絲

對雨

朱超

當夏苦炎埃習靜對花臺落照依山盡浮涼帶雨來重雲吐飛電高棟響行雷洒樹輕花發滴沼細萍開汎沫縈堦草奔流起砌苔無因假輕蓋徒然想上才

同前

劉逖

重輪宵犯畢行雨旦浮空細落疑含霧斜飛覺帶風濕



槐仍足綠沾桃更上紅無由似玄豹縱意坐山中

同前

庾信

繁雲猶暗嶺積雨未開庭階含侵角路鏤蒲溜疏萍濕  
楊生細堪爛草變初螢徒勞看蟻封無事祀靈星

閒居對雨二首

陰鏗

四溟飛旦雨三逕絕來遊震位雷聲發離宮電影浮山  
雲遙似帶庭葉近成舟茅簷下亂滴石竇引環流寄言  
一高士如何麥不收

蘋藻降靈祗聰明諒在斯觸石朝雲起從星夜月離八  
川奔巨壑萬頃溢澄陂綠野含膏潤青山帶濯枝嘉禾

方合穎秀麥已分岐寄語紛綸學持竿詎必知

觀朝雨

謝朓

朔風吹飛雨蕭條江上來旣灑百常觀復集九成臺空  
濛如薄霧散漫似輕埃平明振衣坐重門猶未開耳目  
暫無擾懷古信悠哉戢翼希驥首乘流畏曝鰓動息無  
兼遂岐路多徘徊方同戰勝者去剪北山萊

望夕雨

劉苞

崇朝邁行雨薄晚屯密雲緣階起素沫竟水散圓文河  
柳低未舉山桃落已芬清罇久不薦淹留遂待君

賽敬亭山廟喜雨

謝朓



夕悵懷椒糝蠲景絜營薌登秋雖未獻望歲佇年祥潭  
淵深可厲狹邪車未方朦朧度絕限出沒見林堂秉玉  
朝羣帝樽桂迎東皇排雲接虬蓋蔽日下霓裳會舞紛  
瑤席安歌遶鳳梁百味芬綺帳四座沾羽觴福被延民  
澤樂極思故鄉登山騁歸望原雨晦茫茫胡寧昧千里  
解珮拂山莊

和皇太子春林晚雨

劉孝威

雲樹交爲密雨日共成虹雷舒長男氣枝搖少女風葉  
珠隨滴水簷繩下溜空蝶濡飛不颺花沾色更紅明離  
信養德能事畢春宮誰堪偶鳳吹唯有浮丘公

望雨

前人

清陰蕩暄濁飛雨入階廊瞻空亂無緒望雷耿成行交  
枝含曉潤雜葉帶新光浮芥離還聚沿漚滅復張浴禽  
飄落毳風苻散餘香瑞綃掛繡幕象簞列華牀侍童拂  
羽扇厨人奉盥漿內別有漿有盥注盥涼也寄言楚臺客雄風詎獨  
涼

霖雨

曹毗

洪霖彌旬日翳翳四區昏紫電光飛牖迅雷終天奔

關

同前

張載

霖雨餘旬朔濛昧日夜墜何以解愁懷置酒招親類啾



古詩類苑卷之三十一  
天  
一  
三九元  
啾絲竹作伶人奏竒祕悲歌結流風逸響迴秋氣

喜雨詩

魏陳思王

天覆何彌廣苞育此羣生棄之必憔悴惠之則滋榮慶  
雲從北來鬱述西南征時雨中夜降長雷周我庭嘉種  
盈膏壤登秋畢有成

喜雨

謝惠連

朱明振炎氣溽暑扇温廳羨彼明月輝離畢經中宵思  
此西郊雲旣雨盈崇朝上天愍憔悴商羊自吟謠

同前

謝莊

燕起知風舞礎潤識雲流冽泉承夜湛零雨望晨浮合

穎行盛茂分穗方盈疇

明初

同前

奉勅作

鮑照

營社達羣陰屯雲

藝文作連宮

揜積陽河井起龍蒸日魄斂

游光族雲飛泉室震風沈羽鄉升霧浹地維傾潤瀉天

潢平灑周海嶽曲潦溢川莊驚雷鳴桂渚迴涓流玉堂

珍木抽翠條炎卉擢

藝文作擢

朱芳關市欣九賦京廩開萬

箱無謝堯爲君何用知栢皇

從駕喜雨

庾肩吾

西嶽浮鑪桂東皇事浴蘭赦詔還京兆歸神出濯壇濕  
風含酒氣陰雲助麥寒典農欣受職治粟喜當官復此



隨車雨民天知可安

喜雨

魏收

霞暉染刻棟礎潤上雕楹神山千葉照仙草百花榮瀉  
溜高齋響添池曲岸平滴下如珠落波迴類壁成氣調  
登萬里年和欣百靈定知丹甌出何須銅雀鳴

奉和趙王喜雨

庾信

玄霓臨日谷封蟻對雲臺投壺欲起電倚柱稍驚雷白  
沙如濕粉蓮花類洗杯驚鳥灑翼度濕鴈斷行來浮橋  
七星起高堰六門開猶言祀蜀帝卽似望荆臺厥田終  
上上原野自莓莓

和李司錄喜雨

前人

純陽實久亢雲漢乃昭回臨河沈璧玉夾道畫龍媒離  
光初繞電震氣始乘雷海童還碣石神女向陽臺雲逐  
魚鱗起渠隨龍骨開崩沙雜水去卧樹擁槎來嘉苗雙  
合穎熟稻再含胎屬此欣膏露逢君擗挾才愧乏瓊將  
致無酬美且偲

贈尚書郎顧彥先二首

陸機

大火貞朱光積陽熙自南望舒離金虎屏翳吐重陰淒  
風迄時序苦雨遂成霖朝游忘輕羽夕息憶重衾感物  
百憂生纏綿自相尋與子隔蕭牆蕭牆阻且深形影曠



不接所託聲與音音聲日夜闊何用慰吾心  
朝游遊層城夕息旋直廬迅雷中宵激驚電光夜舒玄  
雲拖朱閣振風薄綺疏豐注溢修雷黃潦浸階除停陰  
結不解通衢化爲渠沉稼湮梁潁流民泝荆徐眷言懷  
桑梓無乃將爲魚

苦雨

鮑照

連陰積澆灌滂沱下霖亂沉雲日夕昏驟雨望  
藝文作淫朝  
旦蹊潭走獸稀林寒鳥飛晏密霧冥下溪聚雲屯高岸  
野雀無所依羣鷄聚空館川梁日已廣懷人邈渺漫徒  
酌相思酒空急促明彈

同前

張協

黑蟻躍重淵商羊儻野庭飛廉應南箕豐隆迎號屏雲  
根臨八極雨足灑四溟霖瀝過二旬散漫亞九齡階下  
伏泉涌堂上水衣生洪潦浩方割人懷昏墊情沈液漱  
陳根綠葉腐秋莖里無曲突煙路無行輪聲環堵自頽  
毀垣閭不隱形尺燼重尋桂紅粒貴瑤瓊君子守固窮  
在約不爽貞雖榮田方贈慙爲溝壑名取志於陵子比  
足五臣作之黔婁生

行還值雨又爲清道所駐

劉孝威

齊楚磐石貴韓吳異姓王俱乘早朝罷相隨出建章喧



呼驚里閤叫咷駭康莊阜駟同隼擊青橐用似鷹揚  
掖門南北遠復道東西長幡旗爭駱驛官騎鬱相望微  
風生祭傳輕雨潤帷裳油衣分競道小蓋列成行八舍  
便繁密五營輿服光迴車避司隸俄軒揖內郎况余白  
屋士自依一作休卑路傍日月雖臨照及陋難明敷早榮  
羞日及晚知慙豫章徒抱凌雲志終愧摩天翔安能久  
淪辱圖南會有方

束皙歌

晉書曰束皙陽平元城人太康中郡界大旱  
皙爲邑人請雨三日而雨注衆爲皙作歌  
束先生通神明請天三日甘雨零我黍以育我稷以生

何以疇之報束長生

古詩類苑卷之二 終



古詩類苑卷之三

古詩類苑卷之三

雲間張之象玄超纂輯

俞顯卿子如補訂

張所敬長輿

徐光啓子先校正

俞顯謨子昭

王頰玄弢參閱

陳甲伯子

天部

雪



雪贊

庾肅之

百籟哀吟廣莫長揮霰雨馭灑皓雪其霏輕質飄颻與  
風迴散望之凝映浩若天漢卽之皎潔色踰玉粲

同前

羊孚

資清以化乘氣以霏遇象能鮮卽繁成輝

同前

謝惠連

氣遍霜繁年豐雪積彼厲我和爾素子白其德懿矣玩  
之庭隙權陋瑤臺暫踐盈尺

同前

沈約

火競乃上炎陰矯亦下潤獨有凝雨姿貞晚而無殉排

雲寧自高晞光本非恹委谷不辭深因巖豈知峻潔貌  
雖同賞英心共誰振

雪朝

梁簡文帝

同雲凝暮序嚴陰屯廣隰落梅飛四注翻霏舞三襲實  
斷望如連恒分似相及已觀池影亂復視簾珠濕

同劉諮議詠春雪

前人

晚霰飛銀礫浮雲暗未開入池消不積因風墮復來思  
婦流黃素温姬玉鏡臺看花言可折一作定自非春梅

詠雪顛創使韻

前人

鹽飛亂蝶舞花落飄粉奩粉飄落花舞蝶亂飛鹽



同前二首

吳均

微風搖

一作過

庭樹細雪下簾隙縈空如霧轉凝階似花

積不見楊柳春徒看桂枝白零淚無人道相思空何益

雪逐春風來過集巫山野瀾漫雖可愛悠

一作翻

揚詎堪

把問君何所思昔日同心者坐須風雪霽相期洛城下

同前

徐陵

瓊林玄圃葉桂樹日南華豈若天庭瑞輕雪帶風斜三

農喜盈尺六出儻崇花明朝闕門外應見海神車

同前

裴子野

飄飄千里雪倏忽度龍沙從雲合且散因風卷復斜拂

草如連蝶落樹似飛花若贈離居者折以代瑤華

詠雪應令

沈約

思鳥聚寒蘆蒼雲軫暮色夜雪合且離曉風驚復息嬋

娟入綺窻徘徊驚情極弱桂不勝枝輕飛屢低翼玉山

聊可望瑤池豈難卽

和司馬博士詠雪

何遜

凝堦夜似月拂樹曉疑春蕭散忽如盡徘徊已復新暫

蔽卷紈質復慙施粉人若逐微風起誰言非玉塵

詠雪應衡陽王教

張正見

九冬飄遠雪六出表豐年睢陽生玉樹雲夢起瓊田入



窓輕落粉拂柳駛飛綿欲動淮南賦亂下桂花前

同謝朓花雪

任昉

土膏候年動積雪表晨暮散葩似浮玉飛英若總素東  
序皆白珩西雖盡翔鷺山經陋蜜一作榮騷人貶瓊樹

詠花雪

庾肩吾

瑞雪墜堯年因風入綺錢飛花灑庭樹凝瑛結井泉寒  
光晦八極同雲暗九天已飄黃竹路共慶白渠田

和元日雪花應詔

謝莊

從候昭神世息燧應頌道玄化盡天秘凝功畢地寶笙  
鏞流七始玉帛承三造委霰下璇玑疊雪翻瓊藻積曙

境寓明聯萼千里杲掩映順雲懸搖裔從風掃發貺燭  
任前騰瑞光圖表澤厚見身未恩踰悟生眇竦誠岱駕  
肅側志梁鑾矯

詠白雪

鮑照

白珪誠自白不如雪光妍工隨物動氣能逐勢方圓無  
妨玉顏媚不奪素繒鮮投心障苦節隱迹避榮年蘭焚  
石既斷何用恃芳堅

白雪歌

一作琴歌

徐孝嗣

風閨晚翻霽月殿夜凝明願君早流眄無令春草生

白雪曲

朱孝廉



疑雲沒霄漢從風飛且散  
聯翩下幽谷徘徊依井幹  
既興楚客謠亦動周王歎  
所恨輕寒早不迨陽春旦

陽春一作

光春

貌雪

梁昭明太子

既同標梅散復似大谷花  
飛密如公超所起皓如淵  
客所揮無羨崑岩列素豈  
匹振鷺羣飛

雨雪曲

陳後主

長城飛雪下邊關地籟吟  
濛濛九天暗霏霏千里深  
樹冷月恒少山霧日偏沉  
况聽南歸鴈切思胡笳音

同前

謝燮

朔邊昔離別寒風復淒切  
裁裁六尺水飄飄千里雪  
未塞袁安戶行封蘇武節  
應隨隴水流幾過空鳴咽

同前

江暉

邊城風雪至遊子自心悲  
風哀笳弄斷雪暗馬行遲  
輕生本爲國重氣不關私  
恐君猶不信撫劍一揚眉

同前

江總

雨雪隔榆溪從軍度隴西  
遶障看狐迹依山見馬蹄  
天寒旗彩壞地暗鼓聲低  
漫漫愁雲起蒼蒼別路迷

同前

陳暄

都尉出祁連雨雪滿鷄田  
雕陵持抵鵲屬國用和羶  
水



合軍應渡樓寒烽未然花迷差未著踈勒復經年

同前

張正見

胡關辛苦地雪路遠湯湯含冰踏馬足雜雨凍旗竿沙  
漠飛恒暗天山積轉寒無因辭日逐團扇掩齊紈

賦得雪映夜舟

前人

黃雲迷鳥路白雪下鳧舟分沙映冰浦照鶴聚寒流  
檣風吹影落纜錦雜花浮船梁若是桂翻如月照秋

詠春雪寄族人治書思澄

何遜

可憐江上雪迴風起復滅本欲映梅花翻悲似玉屑朝  
鶯日弄響暮條行可結咸言不適時安知非矯節

賦得玄圃觀春雪

張正見

同雲遙映嶺瑞雪近浮空拂鶴伊川上飄花桂苑中影  
麗重輪月飛隨團扇風還取長歌處帶曲舞春風

詠春雪

陳子良

光映妝樓月花承歌扇風欲妬梅將柳故落早春中

詠春近餘雪應詔

庾信

送寒開小苑迎春入上林絲條變柳色香氣動蘭心待  
花將一作思對酒留雪擬彈琴陪遊愧並作空見奉恩深

詠餘雪

沈約

陰庭覆素芷南階褰綠施玉臺新落構青山已半虧



望雪

丘遲

氛氲發紫漢雜沓被朱城  
倏忽銀臺構俄頃玉樹生  
綿九軌合昭昭四區明關

同前

虞羲

歲杪雲晝昏玄池水夜結  
遠風金河起吹我玉山雪

校書秘書省對雪詠懷

劉孝綽

桂華殊皎皎柳絮亦霏霏  
詎比咸池曲飄颻千里飛  
耻均班女扇羞儷曹人衣  
浮光亂粉壁積照朗形聞  
鵲鵠搖羽至鴨鷓拂翅歸  
相彼猶自得嗟余獨有違  
終朝守玉署方夜勞石扉  
未能奏細綺何由辨國圍  
坐銷風露

質遊聯珠壁暉偶懷笨車是良知  
高蓋非既言謝端木  
無為陳巧機

翫雪

王衡

寒庭浮暮雪疑從千里來  
皎潔隨處滿流亂逐風迴  
壁臺如始構瓊樹似新栽  
不待陽春節誰持一作將  
兢落梅

發長松遇雪

鮑照

土牛既送寒真陵一作陸  
方泱馳振風搖地局封雪  
滿空枝江渠合為陸天野  
浩無涯飲泉凍馬骨斲水  
傷役疲昆明豈不慘忝谷  
寧可吹

上朝值雪

裴子野



沐雪欵千門櫛風朝萬戶集霰渝丹散流雲飄繡柱滴  
瀝垂土膏闌干懸石乳

郊行值雪

庾信

風雲俱慘慘原野共茫茫雪花開六出冰珠映九光還  
如駟玉馬暫似獵銀獐陣雲全不動寒山無物香薛君  
一狐白唐侯兩驪驪寒關日欲暮披雪渡河梁

冬日普光寺臥疾值雪簡諸舊遊

釋慧淨

卧痾苦留滯闔戶望遙天寒雲舒復卷落雪斷還連凝  
華照書閣飛素婉琴絃迴飄洛神賦皎映齊紈篇紫階

如鶴舞拂樹似花鮮徒賞豐年瑞沉憂終自憐

晴

雨後

梁簡文帝

散絲與山氣忽合復俄晴雷音稍入嶺電影尚連城雨  
餘雲稍薄風收熱復生

雨晴

王胄

初晴物候涼夕景照山莊殘虹低飲澗新溜上侵塘風  
度蟬聲遠雲開鴈路長

天晴詩

湛方生

屏翳寢神轡飛廉收靈扇青天瑩如鏡凝津平

初學如  
作奕如



研落帆脩江渚初學悠悠極長眇清氣朗山壑千里遙  
相見

同顏大夫初晴

庾信

夕陽含水氣反景照河隄濕花飛未遠陰雲斂向低燕  
燥還爲石龍殘更是泥香泉酌冷澗小艇釣蓮溪但使  
心齊物何愁物不齊

悅晴

嵇含

勁風歸巽林玄雲起重基朝霞炙瓊樹夕景映玉枝初學  
作雲翔鳳晞輕翮應龍曝纖鬢百穀偃而立大木顛復  
持

春暮喜晴酬袁戶曹苦雨

何遜

振衣喜初霽褰裳對晚晴落花猶未捲時鳥故餘聲春  
芳空悅目游客反傷情鄉園不可見江水獨自清願得  
同携手歸望對都城

喜晴應詔勅自疏韻

庾信

御辯誠膺錄維皇稱有建雷澤昔經漁負夏時從販栢  
梁駢駟馬高陵馳六傳有序屬賓連無私表平憲河堤  
崩故柳秋水高新堰心齋愍昏墊樂徹憐胥怨禪河秉  
高論法輪開勝辯王城水鬪息洛浦河圖獻伏泉還習  
坎歸風已回巽桐枝長舊圍蒲節抽新寸山藪欣藏疾



幽棲得無悶有慶兆民同論年天子萬

異音旋寸音斷悶音慢皆古韻

喜晴

庾信

比日思光景今朝始暫逢雨住便生熱雲晴即作峯水  
白澄還淺花紅燥更濃已歡無石燕彌欲棄泥龍

開霽

梁簡文帝

景落商飈靖煙開四郊謐偃蹇暮山虹遊揚峯下日水  
紋城上勤城樓水中出竟微共治功空卧淮陽秩

望夕霽

王筠

連山卷亂

一作族

雲長林息衆籟密樹含綠滋遙峯凝翠

霽石溜正潏潺

一作潺湲

山泉始澄汰物華方入賞歧予心

期會

答康樂秋霽詩

謝瞻

夕霽風氣涼閒房有餘清開軒滅華燭月露皓

五臣作浩已

盈獨夜無物役寢者亦云寧忽獲愁霖唱懷勞奏所誠

善作

歎彼行旅艱深茲眷言情伊余雖寡慰殷憂暫爲

輕牽率酬嘉藻長揖愧吾生

霧

詠霧二首

梁元帝

曉霧晦階前垂珠帶葉邊五里浮長隰三晨暗遠天傍



通似佳氣却望若非烟跡簾還復密斷棟更疑連還思  
逢樂廣能令雲霧褰

三晨生遠霧五里闍城闔從風疑細雨映日似遊塵乍  
若飛一作輕烟散時如佳氣新不妨鳴樹鳥時蔽摘花人

賦得霧

沈 趨

窈鬱蔽園林依霏被軒牖睇有始疑空瞻空復如有遊  
蛇隱遙漢文豹棲南阜既殊三五輝遠望徒延首

詠霧應詔

王 褒

七條開早陌五里闍朝氛帶樓疑海氣含蓋似浮雲方  
從河水上預奉綠圖文

行舟值早霧

伏 挺

水霧雜山烟冥冥不見天聽猿方村岫聞瀨始知川漁  
人惑澳一作興浦行舟迷泝汭日中氛靄盡空水共澄鮮

露

露詩

傅 咸

零露濬江海飛塵崇山岳過謬佐台輔安能任鼎鍊

賦得露

顧 煊

飛空猶蘊狀集物始成華萎黃病秋菊厭浥長春芽非  
唯溥蔓草頗亦變蒹葭仍增江海浪聊點木蘭花

賦得胥臺露

庾 抱



胥臺既落構荆棘稍侵扉棟折連雲影梁摧照日暉翔  
鷓遂不反巢燕反無歸唯有團階露承睫共沾衣

驚早露

劉愔

九畹凝芳葉百草瑩新珠盈荷雖不潤拂竹竟難枯

霜

詠霜

張率

駟見視乾度鐘鳴測地機秋冬交代序申霜白綏綏原  
野生暮藹皆墀散夕霏徘徊總嚴氣悵望淪清輝平臺  
寒月色池水愴風威凝陰同徂夜遣鴈獨歸飛繁叢亂  
蕪絕繁林紛已稀貞松非受令芳草徒具腓

雹

和張湖熟雹詩

陸瓊

惟微動羽惟陰脅陽雨水作沴凝氣為祥

火

遠看放火

庾肩吾

風前細塵起月裏黑烟生發燄看喬木侵光識遠城

煙

詠煙

梁簡文帝

浮空覆雜影含露密花藤乍如洛霞發頗似巫雲登映  
光飛百仞從風散九層欲持翡翠色時吐鯨魚燈



賦得浦狹村煙度

張正見

梁簡文帝龍丘引浦狹村煙度洲長歸鳥息

茅蘭夾兩岸野燎燭中川  
村長合夜影水狹度浮煙收  
光暗鳥弋分火照漁船  
山人不炊桂樵華幸共然

古詩類苑卷之四

雲間張之象玄超纂輯

俞顯卿子如補訂

王 徹叔朗

王國材伯達校正

俞顯謨子昭

王 頰玄弢參閱

陳 甲伯子

歲時部

春



詠春

鮑照

節運同可悲莫若春氣甚和風未及燠遺涼清且凜

春詩二首

王儉

蘭生已匝苑萍開欲半池輕風搖雜蘼細雨亂叢枝  
風光承露照霧色點蘭暉青萸結翠藻黃鳥弄春飛

春詞

王德

春花綺綉色春鳥弦歌聲春風復蕩漾春女亦多情愛  
將鶯作友憐傍錦為屏回頭語夫婿莫負艷陽征

陽春歌

吳邁遠

百里望咸陽知是帝京邑綠樹搖雲光春城起風色佳

人愛華景流靡園塘側妍姿豔月映羅衣飄蟬翼宋玉  
歌陽春巴人長歎息雅鄭不同賞那令君愴惻生平重  
愛惠私自憐何極

同前

檀約

青春獻初歲白日應雕梁蘭萌猶自短柳葉未能長已  
見花紅發復聞花蓋香乘一作樂此試遊衍誰知心獨傷

陽春曲

沈約

楊柳垂地鶯差池緘情忍思落容儀弦傷曲怨心自知  
心自知人不見動羅裙拂珠殿

同前

無名氏



言類考卷之四 歲時  
芳苴生前逕舍桃落小園春心自搖蕩百舌更多言

陽春歌

吳均

紫苔初泛水連綿浮且沒若欲歌陽春先歌青樓月

同前

顧野王

春草正芳菲重樓啓曙扉銀鞍俠客至柘彈宛一作童

歸池前竹葉滿井上桃花飛薊門寒未歇為斷流黃機

同前

柳翬

春鳥一轉有千聲春花一叢千種名旅人無語坐一作出

簷楹思鄉懷土志難平唯當文共酒暫與興相迎

和歲首寒望

宗慄

旅騎出平原鉦鏡遍野喧接里開都邑連車駐小門  
稻車迴故塢獵馬轉新村古碑空戴石山龕未上幡所言  
春不至未有桃花源

登高望春

沈約

登高眺京洛街巷紛漠漠迴首望長安城闕鬱盤桓日  
出照鈿黛風過動羅紈齊童躡朱履趙女揚翠翰春風  
搖雜樹歲蕤綠且丹寶瑟玫瑰柱金羈玳瑁鞍淹留宿  
下蔡置酒過上蘭解睂還復斂方知巧笑難佳期空靡  
靡含睇未成歡嘉客不可見因君寄長歎

望春詩

梁元帝



葉濃知柳密花盡覺梅疎蘭生未可握蒲小不堪書

初春

沈約

夾一作扶道覓陽春相將共携手草色猶自腓林中都未  
有無事逐梅花空教信楊柳且復共歸來含情寄杯酒

和初春宴東堂應令

劉端

睿賞叶春芳開筵臨畫堂庭梅飄早素簷柳變初黃八  
珍羅玉俎九醞湛金觴箏響流飛閣歌塵落妓行何必  
西園夜空承明月光

初春携内人行戲

徐君倩

梳飾多今世衣著一時新草短猶通屣梅香漸著人樹

斜牽錦帔風橫入紅綸滿酌蘭英酒對此得娛神

早春

宗慄

昨暝春風起今朝春氣來鶯鳴一兩嚙花樹數重開散  
粉成初蝶剪綵作新梅遊客傷千里無暇上高臺

春詩

郭璞

青陽暢和氣谷風穆以温英蔭擘林蒼昆蟲咸啓門高  
臺臨迅流四坐列王孫羽蓋停雲陰翠鬱映玉樽

代春日行

鮑照

獻歲發吾將行春山茂春日明園中鳥多嘉聲梅始發  
桃一作柳始青汎舟艫齊櫂驚奏採菱歌鹿鳴風微起波



古詩類考卷之四  
微生絃亦發酒亦傾入蓮池折桂枝芳袖動芬葉披兩  
相思兩不知

春日

梁元帝

春還春節美春日春風過春心日日異春情處處多處  
處春芳動日日春禽變春意春已繁春人春不見不見  
懷春人徒望春光新春愁春自結春結詎能申欲道春  
園趣復憶春時人春人竟何在空爽上春期獨念春花  
落還以惜春時

奉和湘東王春日

鮑泉

新鶯始新歸新蝶復新飛新花滿新樹新月麗新輝新  
光新氣早新望新盈抱新水新綠浮新禽新聽好新景  
自新還新葉復新攀新枝雖可結新愁詎解顏新思獨  
氛氲新知不可聞新扇如新月新蓋學新雲新落連珠  
淚新點石榴裙

和劉上黃春日

梁元帝

新鶯隱葉嘒新燕向窻飛柳絮時依酒梅花乍入衣玉  
珂逐風度金鞍映日暉無令春色晚獨望行人歸

春日貽劉孝綽

蕭瑱

澗水初流碧山櫻早發紅新禽爭弄響落葉亂從風拂  
筵多軟榦映戶悉花叢誰云相去遠垂柳對高桐



春日二首

梁簡文帝

年還樂應滿春歸思復生  
桃含可憐紫柳發斷腸青  
落花隨燕入游絲帶蝶驚  
邯鄲歌管地見許欲留情  
花開幾千葉水覆數重衣  
蝶颺縈空舞燕作同心飛  
歌妖弄曲罷鄭女挾琴歸

同前二首

聞人蒨

愁人試出牖春色定無窮  
參差依網日淡蕩入簾風  
落花還繞樹輕飛去隱空  
徒令玉筋泣雙垂明鏡中  
高臺動春色清池照日華  
綠葵向光轉翠柳逐風斜  
林有驚心鳥園多奪目花  
相與咸知節歎子獨離家  
人行

今不返何勞空折麻

春日

王筠

金堤草非舊玉池泉已新  
風生似羊角雲上若魚鱗  
幽閨多怨思停織坐嬌春  
芳華既零落方作向隅人

春日寄鄉友

王僧孺

旅心已多恨春至尚離羣  
翠枝結斜影綠水散圓文  
戲魚兩相顧遊鳥半藏雲  
何時不憫默是日最思君

和吳主簿春日二首

王筠

日照鴛鴦殿萍生鴈鶩池  
游塵隨影入弱柳帶風垂  
青骹一作鷗逐黃口獨一作別鶴  
慘羈鷓同衾遠遊說結愛久



古詩英苑卷之四  
相離於今方溘死寧須萱草枝  
蒼蒹心未發靡蕪葉欲齊春蠶方曳緒新燕正銜泥野  
雉呼雌雉庭禽挾子栖從君客梁後方晝掩春閨山川  
隔道里芳草徒淒淒

春日

庾肩吾

桃紅柳絮白照日復隨風影出朱城外香歸青殿中水  
映寄生竹山橫半死桐頌文知渥重擲札媿才空

同前

吳均

春從何處來拂水復驚梅雲障青瑣闥風吹承露臺美  
人隔千里羅幃閉不開無由得共語空對相思杯

同前

江總

水苔宜溜色山櫻助落暉浴鳥沉還戲飄花度不歸

同前

徐陵

岸烟起暮色岸水帶斜暉逕狹橫枝度簾搖驚燕飛落  
花承步履流澗寫行衣何殊九枝蓋薄暮洞庭歸

同前

陽休之

遲遲暮春日靄靄春光上柔露洗金盤輕絲綴珠網漸  
看階蔭蔓稍覺池蓮長蝴蝶映花飛楚雀緣條響

奉和趙王春日

庾信

城傍金谷苑園裏鳳凰池細管調歌曲長衫教舞兒作



古詩類考卷之四  
人長眼臉由來薄面皮梅花絕解作樹葉本能吹香煙  
龍口出蓮子帳心垂莫畏無春酒須花但見隨

山庭春日

一作休  
沐山庭

江總

洗沐惟五日棲遲在一作對一丘古楮橫近澗危石聳前  
洲岸綠開河柳池紅照海榴野花寧待晦山蟲詎識秋  
人生復能幾夜燭非長遊

春日曲水

蕭愨

落花無限數飛鳥排花度禁苑至饒風吹花春滿路巖  
前片石迴如樓水裏連沙聚作洲二月鶯聲纔欲斷三  
月春風已復流分流繞小渡塹水還相注山頭望水雲  
水底看山樹舞餘香尚存歌盡聲猶住麥隴一鷺暈菱  
潭兩飛鷺飛鷺復驚暈傾曦帶掩扉芳飈翼還愜藻露  
挹行衣

當春四韻

江淹

雷萌山中草雲煦江上花流烟漾璇景輕風泛凌霞我  
有幽蘭念銜意矚里斜友人殊未還獨慰簷前華  
和蕭洗馬畫屏風陽春發和氣

蕭子範爲  
太子洗馬

費昶

日靜班姬門風輕董賢館卷耳緣階出反舌登墻喚蠶  
女桂枝鈎遊童蘇合彈拂袖當留客相逢莫相難



棗下何慕慕二首

王 胄

柳黃知節變草綠識春歸  
複道含雲影重簷照日輝  
御柳長條翠宮槐細葉開  
還得聞春曲便逐鳥聲來

春望古意

蕭子範

光景斜漢宮橫梁照采虹  
春情寄柳色鳥語出梅中  
氛氳閨裏思逶迤水上風  
落花徒入戶何解妾牀空

春望

庾 信

春望上春臺春窻四面開  
落花何假拂風吹會併來

同前

宗 慆

日暮春臺望徒倚愛餘光  
都尉新移棗司空始種楊

枝猶桂馥十步有蘭香  
望望無萱草忘憂竟不忘

春庭晚望

蕭 愨

春庭聊縱望樓臺自相隱  
窻梅落晚花池竹開初筍  
泉鳴知水急雲來覺山近  
不愁花不飛到畏花飛盡

遊春詩

張 駿

勾芒御春正衡紀運玉瓊  
明庶起祥風和氣翕來征  
慶雲蔭八極甘雨潤四垓  
昊天降靈澤朝日耀華精  
嘉苗布原野百卉敷時榮  
鳩鵲與鶯黃間關相和鳴  
葦萍一作芙蓉覆靈沼香花揚芳馨  
春遊誠可樂感此白日傾  
休否有終極落葉思本莖  
臨川悲逝者節變動中情



春遊

王筠

藜蘭已飛蝶楊柳半藏鴉物色相煎蕩微步出東家既  
同翡翠翼復如桃李花欲以千金笑迴君流水車

應教使君春遊詩

蕭子暉

上林看草色河橋望日暉洛陽城閉晚金鞍橫路歸

見遊春人

庾信

長安有狹斜金穴盛豪華連孟勸上馬亂果擲行車深  
紅蓮子艷細錦鳳凰花那能學喫酒無處似樂巴

幽居值春

前人

山人久陸沉幽逕忽春臨決渠移水碓開園掃竹林敬

橋久半斷崩岸始邪侵短歌吹細笛低聲泛古琴錢刀  
不相及耕種且須深長門一紙賦何處覓黃金

時運四章

并序

陶淵明

時運游暮春也春服既成景物斯和偶影獨遊欣慨  
交心

邁邁時運穆穆良朝襲我春服薄言東郊山滌餘藹宇  
暖微霄有風自南翼彼新苗

洋洋平津乃漱乃濯邈邈遐景載欣載矚稱心而言人  
亦易足揮茲一觴陶然自樂

延目中流悠悠清沂童冠齊業閒詠以歸我愛其靜寤



寐交揮但恨殊世邈不可追  
斯晨斯夕言息其廬花藥分列林竹翳如清琴橫牀濁  
酒半壺黃唐莫逮慨獨在予

晚春

梁簡文帝

紫蘭葉初滿黃鶯弄不稀石蹲還似獸蘿長更如衣水  
曲一作凍文魚聚林暝鴉鳥飛渚蒲變新節巖桐長舊圍  
風花落未已山齋開夜扉

晚春宴

邢邵

日斜賓館晚風輕麥候初簷喧巢幕燕池躍戲蓮魚石  
聲隨流響桐影傍巖踈誰能千里外獨寄八行書

晚春

隋煬帝

洛陽春稍晚四望滿春暉楊葉行將暗桃花落未稀窺  
簷燕爭入穿林鳥亂飛唯當關塞者溽露方霑衣

惜晚春應劉秘書

江淹

煙景抱空意蘅杜綴幽心心憂望碧葉涵影顧青林風  
光多樹色露華翻蕙陰水苔方下蔓石蘿日上尋霞衣  
已具帶仙冠不持一作待簪徒為多委鬱精魄還自臨始  
獲瓊歌贈一點重如金山中有雜桂玉瀝乃共斟

春情

梁簡文帝

蝶黃花紫燕相追楊低柳合露塵飛已見垂鈎挂綠樹



誠知淇水沾羅衣  
兩童夾車問不已  
五馬城南猶未歸  
鶯啼春欲駛  
無爲空掩扉

春情

徐陵

風光今日動雪色  
故年殘薄夜迎新  
節當鑪却晚寒  
竒

一作故

香分細霧

一作篆

石炭擣輕紈  
竹葉裁衣帶  
梅花奠

酒盤年芳袖裏出  
春色黛中安  
欲知迷下蔡  
先將過上

蘭

春思

謝朓

如溪發春水  
毗山起朝日  
蘭色望已同  
萍際轉如一  
巢燕聲上下  
黃鳥弄儔匹  
邊郊阻遊行  
故人盈契闊  
夢寐

借假簧思歸  
賴倚瑟幽念  
漸鬱陶山楹  
永爲室

春思

沈約

楊柳亂如絲  
綺羅不自持  
春草黃復綠  
客心傷此時  
青苔已結洧  
碧水復盈淇  
日華照趙瑟  
風色動燕姬  
襟前萬行淚  
故是一相思

春思絕句

王僧孺

雪罷枝卽青  
冰開水便綠  
復聞黃鳥聲  
全作相思曲

春怨

吳均

四時如湍水  
飛奔競迴復  
夜鳥響嚶嚶  
朝花照煜煜  
厭見花成子  
多看筍成

一作爲

竹萬里斷音書  
十載異栖宿



言類卷之四 唐詩  
三  
積愁落芳鬢長啼壞美目君去往榆關妾畱住函谷唯  
對昔耶房如愧蜘蛛屋獨喚響相酬還持影自逐象牀  
易氈簾羅衣變單複幾過度風霜獨能保乳獨

春別四首

蕭子範

翻鶯度燕雙比翼楊柳千條共一色但看陌上携手歸  
誰能對此空相憶

江東大道日華春垂楊掛柳掃輕塵淇水昨送淚沾巾  
紅粧宿昔已應新

銜悲攬涕別心知桃花李花任風吹本知人心不似樹  
何意人別似花離

幽宮積草自芳菲黃鳥著樹情相依爭風競日常聞響  
重花疊葉不通飛當知此時動妾思慙使羅袂拂君衣

傷春

沈約

弱草半抽黃輕條未全綠年芳被禁籞烟花繞層曲寒  
苔卷復舒冬泉斷方續早花散凝金初露泫成玉

夏

夏始和劉滸陵

謝朓

威仰弛蒼郊龍曜表皇隰春色卷遙甸炎光麗近邑白  
蘋望已騁湘荷紛可襲徒願尺波旋終憐寸景戢對窻  
斜日過洞幌鮮飈入浮雲去欲窮暮鳥飛相及柔翰縝



芳塵清源非易揖迴江難絕濟云誰暢佇立良宰勗夜  
漁出入事朝汲積羽余旣裳更賦子盈粒椅梧何必零  
歸來共栖集

首夏泛天池

梁武帝

薄遊朱明節泛漾天淵池舟楫互容與藻蘋相推移碧  
沚紅菡萏白沙青連漪新波拂舊石殘花落故枝葉軟  
風易出草密路難披

和湘東王首夏

梁簡文帝

冷風雜細雨垂雲助麥涼竹水俱葱翠花蝶兩飛翔燕  
泥銜復落鷓吟斂更揚臥石藤爲纜山橋樹作梁欲待

華池上明月吐清光

初夏應詔

魏澹

雖度芳春節物色尚餘華出簾飛小燕映戶落殘花舞  
衫飄細縠歌扇掩輕紗蘭房本宜夜不畏日光斜

奉和夏日應令

庾信

朱簾捲麗日翠幕蔽重陽五月炎蒸氣三時刻漏長麥  
隨風裏熟梅逐雨中黃開水帶井水和粉雜生香衫含  
蕉葉氣扇動竹花涼早菱生軟角初蓮開細房願陪仙  
鶴舉浴浦聽笙簧

梅夏應教

薛道衡



長廊連紫殿細雨應黃梅浮雲半拾遺空上清吹隔池  
來集鳳桐花散勝龜蓮葉開幸逢爲善樂頻降濟時才

夏日

郭璞

羲和騁丹衢朱明赫其猛融風拂晨霄陽精一何罔閑  
宇靜無娛端坐愁日永

同前

李顥

炎光爍

藝文作爍

南溟溽暑融三夏霖霖重雲蔭砰稜震雷

叱闕

同前

徐勉

夏景厭房櫳促席翫花叢荷陰斜合翠蓮影對分紅此

時避炎熱清樽獨未空

同前

徐忬

炎光歇中宇清氣入房櫳晚荷猶卷綠疎蓮又落紅

同前

李德林

夏景多煩蒸山水暫追涼桐枝覆玉檻荷葉滿銀塘輕  
扇搖明月珍簟拂流黃壺盛仙客酒瓶貯帝臺漿才人  
下銅雀侍妓出明光歌聲越齊市舞曲冠平陽微風動  
羅帶薄汗染紅粧共欣陪宴賞千秋樂未央

夏日出下館

謝朓

麥候始清和涼雨銷炎燠紅蓮搖弱荇丹藤繞新竹



古言類考卷之四  
歲時音  
五  
色盈懷抱方駕娛耳目零落既難留何用存華屋

夏日還山庭

江總

獨於幽棲地山庭暗女蘿澗漬長低篠池開半卷荷野  
花朝溟落盤根歲月多停樽無賞慰狎鳥自經過

夏日臨江

隋煬帝

夏潭蔭脩竹高岸坐長楓日落滄江靜雲散遠山空鷺  
飛林外白蓮開水上紅逍遙有餘興悵望情不終

夏晚

薛道衡

流火稍西傾夕影遍曾城高天澄遠色秋風入蟬聲

秋

詠秋

江道

祝融解炎轡葶收起涼駕高風催節變凝露督物化長  
林悲素秋茂草思朱夏鳴鴈薄雲嶺蟋蟀吟深榭寒蟬  
向一作竟夕號驚廳激中夜感物增人懷悵然無欣暇

同前

鮑照

秋蘭徒晚綠流風漸不親飈我垂思慕驚此梁上塵沉  
陰安可久豐景將遂淪何由忽靈化暫見別離人

秋歌

宋南平王鐔

旻天清且高秋氣發初涼白露下微津明月流素光凝  
煙汎城闕淒風入軒房朱華先零落綠草就芸黃織羅



還笥篋輕紉改衣裳

秋詩

陽休之

日照前窗竹露濕後園薇夜蛩扶砌響輕蛾遶燭飛

初秋

宋孝武帝

夏盡炎氣微火息涼風生綠草未傾色白露已盈庭遠  
視秋雲發近聽寒蟬鳴運移矜物化川上感餘情

同前

梁簡文帝

羽翼晨猶動珠汗晝恒揮秋風忽嫋嫋向夕引涼歸浮  
陰卽染浪清氣始乘衣卷幌通河色開窻引一作望月輝  
晚花欄下照踈螢簾上飛直置猶如此何況送將歸

奉和初秋

庾信

落星初伏火秋霜正動鐘北閣連橫漢南宮應鑿龍祥  
鸞棲竹實靈蔡上芙蓉自有南風曲還來吹九重

奉和初秋西園應教

蕭愨

池亭三伏後林館九秋前清冷間泉石散漫雜風煙藻  
開千葉影樞艷百枝然約嶺停飛旆凌波動畫船

大同九年秋七月

梁簡文帝

高樓闢左扇迴望依蘭橈晚風飈颺來落照參差好

秋日示休上人

鮑照

枯桑葉易零疲客心易驚今茲亦何早已聞絡緯鳴迴



風滅且起卷蓬息復征愴愴簾上寒悽悽帳裏清物色  
延暮思霜露逼朝榮臨堂觀秋草東西望楚城百物方  
蕭瑟坐嘆從此生

秋日

孫綽

蕭瑟仲秋日颼唳風雲高山居感時變遠客興長謠踈  
林積涼風虛岫結凝霄湛露洒庭林密葉辭榮條撫菌  
藝文作葉悲先落鬱一作攀松羨後凋垂綸在林野交情遠市  
朝澹然古懷心濠上豈伊遙

同前

鮑泉

露色已成霜梧楸欲半黃燕去欄恒靜蓮寒池不香夕

鳥飛向月

一作日

餘蚊聚逐光旅情恒自苦秋夜漸應長

同前

庾信

蒼茫望落景羈旅對窮秋賴有南園菊殘花足解愁

和裴儀同秋日

前人

蕭條依白社寂寞似東臯學異南宮敬貧同北郭騷蒙  
吏觀秋水萊妻紡落毛旅人嗟歲暮田家厭作勞霜天  
林木燥秋氣風雲高栖遑終不定方欲涕沾袍

秋日應詔

袁朗

玉樹涼風舉金塘細柳菱葉落商飈觀鴻歸明月池迎  
寒桂酒熟含露菊花垂一奉章臺宴千秋長願斯



秋日愁居答孔主簿

王僧孺

首秋雲物善晝暑旦猶清日華隨水汎樹影逐風輕依  
簾野馬合當戶昔耶生物我一無際人鳥不相驚儻過  
北山北聊訪法高卿

法真字高卿見後漢逸民傳

奉和便省餘秋

庾肩吾

前對金精坂傍臨圓水池照影礙浮葉看山通迴枝鴈  
行連霧盡雨足帶雲移

郊外望秋答殷博士

江淹

白露掩江臯青滿平地蕪長夜亦何際銜思久踟躕企  
余重蘭貝清才富金瑜獨艷始東山擅麗終西都雲精

無永滯水碧豈慙濡屬我齒景半賞爾若光初折麻異  
離羣紉蕙非索居頻贈既雅歌還懷諒短書

秋朝夜望

劉逖

駐車憑險岸飛蓋歷平湖菊寒花稍發蓮秋葉漸枯向  
浦低行鴈排空轉噪鳥若將君共賞何處減城隅

暮秋答朱記室

何遜

游揚日色淺騷屑風音勁寒潭見底清風色極天淨寸  
陰坐銷鑠千里長遼迴桃李爾繁華松柏余本性故心  
不存此高文徒可詠

晚秋

庾信



凄清臨晚景，踈索望寒階。濕庭凝墜露，搏風卷落槐。日  
氣斜還冷，雲峯晚更霾。可憐數行鴈，點點遠空排。

和司徒鎧曹陽辟疆秋晚

蕭愨

葉踈知樹落，香盡覺荷衰。山藪良多思，田園聊復歸。

秋晚

梁簡文帝

浮雲出東嶺，落日下西江。促陰橫隱壁，長暉斜度窻。亂  
霞圓綠水，紅葉影飛缸。

奉和太子秋晚詩

梁上黃侯曄

副君乘暇景，臨秋坐北宮。杏梁照初月，蓮池引夕風。清  
暉洞藻井，流香入綺櫳。鵲聲時徙樹，螢光乍滅空。涼氛

散簟席，露色變林叢。

大同八年秋九月

梁簡文帝

大君重九節，下輦上林中。酒闌嘉宴罷，車騎各西東。時  
余守西掖，脂車歸北宮。車分獨坐道，扇拂冶城風。落照  
漸中滿，浮煙槐外通。長樂含初紫，安榴拆晚紅。

秋思引

湯惠休

秋寒依依風，過河白露蕭蕭。洞庭波思君，末光光已滅。  
眇眇悲望如思何。

秋懷

謝惠連

平生無志意，少小嬰憂患。如何乘苦心，矧復值秋晏。皎



皎天月明奕奕河宿瀾蕭瑟含風蟬寥唳度雲鴈寒商  
動清閨孤燈暖幽幔耿介繁慮積展轉長宵半夷險難  
預謀倚伏昧前笑雖好相如達不同長卿慢頗悅鄭生  
偃無取白衣宦未知古人心且從性所翫賓至可命觴  
朋來當染翰高臺驟登踐清淺五臣作波時陵亂頽鬼不再  
圓傾羲無兩旦金石終銷毀丹青斲彫煥各勉玄髮歡  
無貽白首嘆因歌遂成賦聊用布親串

秋念

吳均

團團珠暉轉炤炤漢陰移箕風入桂露璧月滿一作瑤  
池樹青草未落蟬涼葉已危還深長夜想顧憶臨卽卮

芳杜果蕪沒纓帶欲何爲

秋思

蕭愨

顏氏家訓曰蘭陵蕭愨工於篇什嘗有秋思  
詩云芙蓉露下落楊柳月中踈時人未之賞  
也吾愛其蕭散宛然在目潁川荀仲舉瑯琊  
諸葛漢亦以爲爾而盧思道之徒雅所不愜

清波收潦日華林鳴籟初芙蓉露下落楊柳月中踈燕  
幃細綺被趙帶流黃裾相思阻音息玉臺作信結夢感離居

悲秋

隋煬帝

故年秋始去今年秋復來露濃山氣冷風急蟬聲哀鳥  
擊初移樹魚寒欲隱苔斷霧時通日殘雲尚作雷

奉和悲秋應令

蕭愨



秋天擬文學秋水擅莊蒙草濕蕪葭露波卷洞庭風便  
坐翻桑葉長坂歇蘭蓑簷喧猶有燕陂靜未來鴻蟬噪  
聞疑斷池清映似空劉安悲落木曹植歎征蓬重明豈  
凝滯無累在淵冲隨時四序合應物五情同發言形惻  
隱睿作挺神功下材均朽木何以慕彫蟲

冬

詠冬

曹毗

絲邈冬夕初學記永凜厲寒氣升離葉向晨落長風振  
條興夜靜輕響起天清月暉澄寒水盈渠結素霜竟欄  
凝今載忽已暮來紀初學奄復仍作正

同前

謝惠連

七宿乘運曜三星與時滅履霜水彌堅積寒風愈切繁  
雲起重陰迴飈流輕雪園林粲斐皓庭除秀皎潔墀瑣  
有凝汗一作逵衢無通轍

冬日

鮑照

嚴風亂山起白日欲還次曛霧蔽窮天夕陰晦寒地烟  
霾有氛氲精光無明異風急野田空饑禽稍相棄含生  
共通閉懷賢敦爲利天窺苟平圓寧得已偏媚瀉海有  
歸潮衰容不還稚君今且安歌無念老方至

大同十年十月戊寅

梁簡文帝



喧塵是時息靜坐對重巒冬深柳條落雪後桂枝殘星  
明霧色淨天白鴈行單雲飛乍想閣水結遠疑統晚橘  
隱重屏枯藤帶迴竿荻陰連水氣山峯添一作月寒

大同十一月庚戌

前人

茲園植藝積山谷久紆威直興轉多緒真事亦因依是  
節嚴冬景寒雲掩落暉遠聞風瑟瑟亂視雪霏霏浪起  
川難渡林深人至稀山禽背逕走野鳥歷塘飛

感冬篇

李顯

高陽攬玄轡太皞御冬始望舒游天策曜靈協燕紀闕

冬盡難離和丘長史

江淹

閑居深悵悵颼寒拂中閨寶禮自千里練一作書果君  
題山川吐幽氣雲景抱長懷茲別亦為遠潮瀾鬱東西  
汀臯日慘色桂閣猿方啼擊意誰侘僚屑涕在心乖杜  
蘅念無沫石蘭終不睽冀總歲暮駕遊衍蒼山蹊

冬日傷志篇

邢邵

昔時惰遊士任性少矜裁朝驅一作瑪瑙勒夕銜熊耳  
杯折花步贈一作淇水撫琴望叢臺繁華夙昔改衰病一  
時來重以三冬月愁雲聚復開天高日色淺林勁鳥聲  
哀終風激簷宇餘雪滿條枚遨遊昔宛洛踟躕今草萊  
時事方去矣撫已獨傷懷一作懷哉



上畱田行

陸機

嗟行人之藹藹駿馬陟原風馳輕舟汎川雷邁寒往暑  
來相尋零雪霏霏集宇悲風徘徊入襟歲華冉冉方除  
我思纏綿未紓感時悼逝悽如

時興詩

盧諶

疊疊圓象運悠悠方儀廓忽忽歲云暮游原采蕭藿北  
踰芒與河南臨伊與洛凝霜霑蔓草悲風振林薄撼撼  
芳葉零蘂蘂芬華落下泉激冽清曠野增遼索登高眺  
遐荒極望無崖壑形變隨時化神感因物作澹乎至人  
心恬然存玄漠

歲暮和張常侍

陶淵明

市朝悽舊人驟驥感悲泉明旦非今日歲暮余何言素  
顏歛光潤白髮一已繁閤哉秦穆談旅力豈未愆向夕  
長風起寒雲沒西山厲厲氣遂嚴紛紛飛鳥還民生鮮  
常在矧伊愁苦纏屢闕清醑至無以樂當年窮通靡攸  
慮顛顛由化遷撫已有深懷履運增慨然

歲暮

謝靈運

殷憂不能寐苦此夜難頽明月照積雪朔風勁初學作清且  
哀運往無淹物年逝覺已藝文作易催

歲暮悲

鮑照



霜露迭濡潤草木互榮落日夜改運周今悲復如昨晝  
色苦沉陰白雪夜迴薄皦潔冒霜鴈飄揚出風鶴天寒  
多顏苦妍容逐丹壑絲胃千里心獨宿乏然諾歲暮美  
人還寒壺與誰酌

彭城宮中直感歲暮

謝靈運

草草眷徂物契契矜歲殫楚艷起行戚吳趨絕歸懽脩  
帶緩舊裳素髮改朱顏晚暮悲獨坐

藝文作已

鳴鴉歇春蘭

歲晚出橫門

庾信

年華改歲陰遊客喜登臨據鞍垂玉帖橫腰帶錦心冰  
弱浮橋沒沙虛馬跡深倚弓依石岸回牀向柳陰智瓊

來勸酒文君過聽琴明朝雲雨散何處更相尋

和殷廷尉歲暮

王褒

歲晚悲窮律他鄉念索居寂寞灰心盡摧殘生意餘產  
空交道絕財殫密親疎空悲趙壹賦還著虞卿書

九曲歌

李尤

年歲晚暮時已斜安得力士翻日車

關


同前

傅玄

歲莫景邁羣光絕安得長繩繫白日

古詩類苑卷之四

終



古詩類苑卷之四

歲暮詩

左

本二百四



